

قیزلره مخصوص

عملی

بِسْمِ اللَّهِ الرَّحْمَنِ الرَّحِيمِ

بشنجی کتاب

محرری

استانبول مکتب سلطانیسی معلملرندن

ماظف نوری

—o—o—o—

غسلی ، آبدستی ، تیممی ، نمازی - مجملاً رضاعی ؛ نکاحی ، طلاق — وسائر اعتقادات و عبادتی عملی اوله رق تعلیم ایدر .

—————

حسین معصومه ایله باک و منور اولان اولاد موحدینک افکار اسلامیه لرین
تنویر و تقویه ، ملکه و مهارت لرین تسریع و تسهیل مدار
اوله جق وظیفه لر دخی ترتیب اولوغ شدر .

—————

وزیر خاندنه ۴۸ نومرولی مطبعه ده طبع اولغ شدر

در سعادت — ۱۳۳۱

you
mine

قیزلره مخصوص

عملی

عَقْدُكَ الْإِسْلَامِيَّةَ

بشنجی کتاب

محرری:

استانبول مکتب سلطانیسی معلملرندن

مافظ نوری

غسلی، آبدستی، تیمی، نمازی — مجملار ضاعی، نکاحی، طلاق — وسائر اعتقادات و عباداتی عملی اوله رق تعلیم ایدر .

حسبات معصومانه ایله پاک و منور اولان اولاد موحدنک افکار اسلامیه لریجه
شویر و تقویه، ملکه و ممارسه لریخی تمریع و تسمیله مدار
اوله جق و وظیفه لر دخی تربیب اولو نمشدیر .

وزیر خاندنده ۴۸ نومرو لی مطبعه ده طبع اولنمشدیر .

در سعادت — ۱۳۳۵

سعادت مطلقه ، التزام دیانته در تفسیر دین و ایمانه ایست
آنچه قلوب معصومه درها زیاده اسامی اولور . او نه فیصه
عالیه که انوار ساطعه احمدیه ایله کوزلری ، کواکب مشرق
شادی الهی ایدر . او نور مبین ایله اناره قلب و وجدانه ایست
عقائد مقدسه دینه شی درها موجوده ایکن سوه سوه اقوامه ،
ازیرلرک ، اجرای عمل ایتمکده بیر اولور .

اندرجه ذکور اطفال مسلمانک فیصه معنویه خدمت مقصدیه
ترتیب ایتمکده « عملی علوم دینه » طرزنده قز موجود قلبی مجزده
ارکانه صلاوة و دیانتی تعلیم و تفریم ایتمک و درجه درجه صنفی
ترقی ایتمکده مسائل مقتضیه دخی توضیح و توسیع صورینه او قود و طوع
اوزره شو عملی « عقائد اسلامیه » نک ترتیبه ناییزانه غیرت
اولونری .

مقصد عاجزانه سلامت و سعادت دایمزه لافل مطلوب
اولاده دینزه ، دین مبینزه ولو ناییزانه اولسون خدمتده
اکساب مشرباندر . توفیق جناب رب العالمیندر .

فی ۹ رمضان شریف ۱۳۳۰ استانبول مکتب سلطانیسی معلملرندن

حافظ نوری

Handwritten signature

اعوذ بالله من الشيطان الرجيم

بِسْمِ اللَّهِ الرَّحْمَنِ الرَّحِيمِ

پيغمبران عظام واسطه ليله دنيا ده ، آخرت ده نجاتمزی
کوسترن الله تعالى حضر تلرينه حمد ايده رز .
هر حاله سعادت مزه سبب اولان خاتم الانبيا محمد
عليه السلامه صلاة او قوروز .
بختيار لغمزه خدمت ايدن اصحاب کرامه ترضيه
ايلرز .

۱ — افعال مکلفين

• مکلف ، کيمله دينور ؟

عاقل و بالغ اولانلره — تکالیف شرعیہ، ایله — مکلف دینور [*].

یعنی او کیسه لر اولاً ایمان، ثانیاً احکام شرعیہ، نك اجرا سیله مکلفدر.

افعال مکلفین سکزددر :

فرض، واجب، حرام، مکروه، سنت، مستحب، مفسد، مباحدر.

[*] عبادات شرعیہ و تکلیفات الہیہ نك فرض اولماسنك ایکی شرطی واردر :

برنجیسی «بالغ» اولوب «صبی» اولماق، ایکنجیسی «عاقل» اولوب «مجنون» اولماقددر.

برصبی بالغ و بر مجنون عاقل اولدیغی آنده فی الجمله تکلیفات الہیہ فرض اولور :

آبدست آلیر، غسل ایدر، استنجاء ایدر، نماز قیلاز، اوروج طوتار، شروطنك تحقیقنده حج ایدر، زکات ویریر و سائر احکام شرعیہ بی ایفا و اجرا ایدر.

«سن بلوغ» ك ابتداسی «ارکک» ده اون ایکی و «قیز» ده طقوزدر.

نهایتی ایکسندده اون بشدر.

۱ — فرض: جناب اللهك — بزہ ایشله مك ايچون —

امر ايتديكي شيلردر :

کلمه شهادت کتيرمك، آبدست آلق، غسل ايتمك ،
تيم ايتمك ، نماز قيلمق، اوروج طوتمق، زکات ویرمك ،
حج ايتمك وسائر فرض اولان شيلري ياپمق کبي .

فرض ايکي درلو اولوب برينه (فرض عين) دينور .
فرض عين : مسلمانلردن ايشلمدکجه ساقط اولماز .
ايمان کتيرمك ، علم حال اوکرنمك ، نماز قيلمق وسائر
فرض عين اولان شيلر کبي [*] .

ديکرينه (فرض کفایه) دينور .

فرض کفایه : مسلمانلرک جمله سنه فرض اولوب
بر قاچنک ايشلمه سيله اوته کيلردن ساقط اولور .

[°] فرائض عينيه نك تركنه قطعاً جواز يوقدر ؛ آنك
چاره سی ادا ايتمكدرد .

انواع نعم آلهيه سيله بزلري متنعم ايدن الله ذوالجلال حضره
تليرنك امريني ايفاده تكماسل کوسترمك کار عاقل دکلدرد .

جنازہ نمازی قیلمق ، حافظ قرآن اولق ، محاربہ یہ
کیتمک وسائر فرض کفایہ اولان شیلر کی [*] .

فرضی ایشلمہ یں جہنم عذابنہ لایق و فرضی انکار
ایدن — نعوذ باللہ — کافر اولور [**] .

۲ . — واجب : جناب اللہک — شبہلی دلیل ایلہ
یلنمش اولان — امری در :

[*] کفار ، ممالک اسلامیہ دن رینی استیلا ایتمک اوزرہ بولنورسہ
اورانک محافظہ سی ایچون حنکہ کیتمک فرض کفایہ در .
فقط بولندینی مملکتہ دشمن هجوم ایدرسہ اول زمان
(جہاد) فرض عین اولور .

فرض کفایہ علی العموم ترک اولنورسہ ناس آثم و کھکار اولورلر .
[**] دینندن چیقار دیملکر ؛ چونکہ او کیسہ اللہ تعالی ورسولنی
تکذیب ایتمش دیمک اولور .

بویلہ کیسہ نک شرعاً — شروطی دائرہ سندہ — قتلی
واجب در ؛

توبہ واستغفار ایتہدن اولورسہ جنازہ نمازی قیلماز ؛
اکا تجدید ایمان وتجدید نکاح لازم کلیر .

ایمان ، قرآن ، علم ، دین ، مذهب ، کعبہ ، آغز کی
شرعاً مبارک اولان شیلرہ سوکمت کفری موجبدر .

«وتر، و» بایرام، نماز لرینی قیلمق، صدقہ فطرہ ویرمک، قربان کسمک[*]، محتاج اولان اقرباسنه معاونت ایتمک وسائر واجب اولان شیر کبی.

واجبی ایشله یین ثوابه، ایشلمه یین جهنم عذابنه لایق اولور.

۳- حرام: جناب اللهک — بزہ ایشله مه مک ایچون —

نهی ایتدیکی شیردر:

آنایه و بابایه، خواجه یه عاصی اولمق، قومار اوینامق،

[*] اکلی حلال اولان حیوانلرک ذبح واکلرنده اصلا افراط اولمامق و غایت سهولتلی بر حال ایله حیوانی ذبح ایدوب انجتماعک و حیوانات مستعمله یی رفق ایله استخدام ایتمک اساس دینمزده ملتزم. نباتات ارضیه یی دخی ناحق یرہ تلف و اسراف ممنوعدره. مع مافیہ انسانک افراد بنی آدم حقنده نه درجه عدالت و حقانیتله معامله ایتمه سی لازم کله چکنی آکلامالیدر.

بر مسلمان کندی حقنده وقوعی قبول ایتمه دیکی بر قول و فعلک کندی طرفندن دخی بشقه لری حقنده اجرایه مأذون دکلدره.

عالم اسلامیتده حق اوچ نوعه منقسمدر:

- | | |
|---|------------------------------------|
| { | ۱ — حق تعالی حضر تدرینه مخصوص حقوق |
| | ۲ — حقوق نفس |
| | ۳ — حقوق عباد |
- در .

شراب ایچمك [*] ، طوموز اتی یمك ، خرسزلق ایتمك ،
فحشیات [**] ده بولنق وسائر حرام اولان شیلر کبی [***].
حرامی ایشله ین جهنم عذابنه لایق و حرامی حلال
اعتقاد ایدن — نعوذ بالله — کافر اولور.

[*] شراب. خبیث و مذموم اولان شیلرک آناسیدر. هر بر
اویغونسز و لایقسنز شیلر آندن تولد ایدر. راقی دخی بونک
کبی حرامدر. زیرا اوده شرابک ویردیکی سگری ویریر.
شراب سکر ویردیکی سبیدن حرام قیلندیغی جهته بوکا
(قیاساً) مسکرات سائر دخی حرامدر.

[**] محرمات و کبائر ایچنده اک بدتر واشد اولان افعال
«زنا» و «لواطه» فعلاریدر.

[***] بونلری یایمق و یایماق ایچون جناب حق بزه قدرت
واراده احسان بیوروب برده عقل ویرمشد.

حرام اولدیغی بیلهرک بر شی یایمق ایسترسهک (کنهه)
ایشلیه جکمزى بیلورز دیمکدر. آندن صاقنمق المزده اولدیغی
حاله یاپارسهق حقمزده موجب عذاب اولور. او یله ایسه (اراده
جزئیة) مزى دائماً جناب حقک رضاسنه موافق اولان ایشلر
صرف ایتمکک چالیشمالی یز.

۴ — مکروه : ايشلنمہ سی — شہہ لی دلیل ایلہ —
ممنوع اولان شیلردر :

وقت کراہتده نماز قیلحق ، نمازده ایکن کوزینی
قیامق ، توتون ایچمک ، آت اتی ، مدیه ، استریدیہ ،
استاقوزیمک وسائر مکروه اولان شیلری یایمق کبی .

کراہت ایکی درلو اولوب برینه (کراہت تحریمہ)
دینور :

واجبلی ترک ایتمک کبی .

دیگرینه کراہت (تنزیہیہ) دینور .

غیر موکد سنتلری ترک ایتمک کبی .

کراہت تحریمی ، حرامہ ؛ کراہت تنزیہی ، حلالہ

قریبدر .

مکروه تنزیہی یی ایشله یین عتابہ مستحق اولور .

۵ — سنت : پیغمبر من محمد علیه السلامك چوق دفعه

ایشله یوب بعض وقتده ترك ایتدیکی شیلردر :
مسواك قوللانمق ، جماعتله نماز قیلمق و سائر سنت
اولان شیلر کبی [*].

سنت ایکی قسم اولوب برینه ، سنت مؤکده ،
دیگرینه ، سنت غیر مؤکده ، دینور .

سنت مؤکده : عذر سز ترکی اصلا جائز اولمیان سنت دره .

سنت غیر مؤکده : بعض کره ترك اولنه بیایر سه ده .

عادت ایدهرك بستیون ترکی جائز دکلددر [**].

[*] غازی عسکر اولمیانلر هفته ده بر طرناقلرینی کسوب
بیقلرینی قرقالیدر ؛ قولتوق ، قاصق و مقعد قیللرینی کیدر مه لیدر .
بونلری اون بش کونده بر اجرا ایتمکده بأس یوقدر .

[**] «اعتکاف» سنت اولوب ارکیکلر بش وقت نماز قیلنان
جامع و یا مسجدده عبادت نیتیه بولنمق دیمکدر .

معتکف : رمضان شریفک یکر میسندن بایر امه قدر عبادات
وطاعات ، تلاوت قرآن ؛ ذکر و دعا ایله مشغول اولور .

عادت اوزره اولمایان ونفاس حالنده بولونمایان خانملر
زوجلرینک اذنیله خانه لری داخلمده بر او طه ده پابه بیلیلر .

سنتی ترك ايدن شفاعت [*] مخصوصه دن محروم اولمغه
و عتاب اولونمغه لایق و سنتی استخفاف ايدن كافر اولور [**].

۶ — مستحب: پیغمبر من محمد علیه السلامك آزدفعه

ایشله مش اولدیغی شیلردر :

نافله نماز قیلمق ، نافله اوروج طوتمق ، نافله صدقه
و یرمك و سائر مستحب اولان شیلری یا تمق کبی .
مستحبی ایشله ین ثوابه نائل اولور .

[*] شفاعت : ديلك ايلك ديمكدر .

بر پیغمبرك امتكدن برينك كنهایی حقنده ديلك ايله سینه
فاعت دینور .

پیغمبرانك و (خیر امت) اولان ذواتك كنهکارلر حقنده
فاعت ايله سی حقدر .

پیغمبر من صلی الله علیه وسلم افندمن حضرتلری امتكدن
لان كنهکارلره شفاعت ایده جکینی وعد بیور مشدر .

[**] وقت سعادت محمدیده اولمایوب صکره دن احداث اولونان
یته (بدعت) دینور .

بدعت : شریعت محمدیه مخالف ایسه رد اولنور .

۷ — مفسد : عباداتی بوزان شیرد :

آبدستلی ایکن بریرندن قان آقق، نمازده ایکن سوز
سویلمک، کولمک، اوروجلی ایکن یمک وایچمک کبی .

۸ — مباح : ایشلمه سنده ، ثواب ، وترکنده ، کنهه ،

اولیان شیردر :

اوطورمق، قالمق، یمک، ایچمک کبی .



۱ — وظیفه :

ایمان ایدله سی فرض اولان شیرلی سویله ! مکلف کیملر
دینور ؟ تکلیفات آلهیه مک فرض اولماسنک شرطی قاجدر ؟
افعال مکلفینی صای ؟ فرض نه یه دیرلر ، قاج درلودر
ونه کبی شیردر .

فرضی ایشه یین، ترک ایدن، انکار ایدن نه اولور ؟ « کاف
اولور » نه دیمکدر ؟ کفری موجب اولان شیرلی سویله
تجدید ایمان ونکاح کیمره لازم کلیر ؟ تجدید ایمان ایت ! واج
نه دیمکدر ، ونه کبی شیردر ؟ فرض ایله واجبک فرقی نه در

افراد بنی آدم و حیوانات مستعمله یه قارشی وظیفه من نهدر؟ حرام
 نهدیمکدر. ونه کی شیلردر؟ حرام ایله مکروهک فرقی نهدر؟ مکروه
 قاچ درلودر؟ مکروه و حرامی ده ایشله یین نه اولور؟ طوموزاتی،
 استاقوزیمک نهدر؟ فرض ایله حرامک فرقی سویله! سنت
 نهدر، قاچ قسمدر؟ سنتی ترك واستخفاف ایدن کافر اولورمی؟
 «شفاعت» نه دیمکدر؟ «بدعت» نه یه دینور؟ مستحب نهدر،
 ونه کی شیلردر؟ سنت ایله مستحبک فرقی سویله! نماز قیلماق،
 نافله اوزوج طومتق نهدر؟ جماعتله نماز قیلماق، نمازده کوزینی
 قیامق نهدر؟ مسواک قوللانماق، علم حال اوکرنمک نهدر؟
 محاربه یه کیتماک، کله شهادت کتیرماک نهدر؟

ایمان ایدلمه سی فرض اولان شیلری صای! عبادتی بوزان
 شیئه نه دینور؟ نه کی شیلردر؟ مباح نهدر؟ او یومق اوروجی،
 آبدستی بوزارمی.

۲. — نمازک فرضلی

نمازک فرضلی قاچدر؟

نمازک فرضلی اوز ابکیدر:

۱ — حدثن طہارت

۲ — نجاستدن طہارت

۳ — ستر عورت

۴ — استقبال قبلہ

۵ — وقت

۶ — نیت

۷ — تحریمہ = افتتاح تکبیری

نمازہ باشلامہ دن اول
اولان بویدی فرضہ
« شرط » دینور .

۸ — قیام

۹ — قرائت

۱۰ — رکوع

۱۱ — سجود

۱۲ — قعدہ اخیرہ

نمازک ایچندہ اولان
« رکن » دینور .



۳. — نمازك شرطلى

نمازك شرطلى يديدر :

۱ — حدثن طهارت

حدثن طهارت. نماز قيله جق كيمسه آبدستسز ايسه
آبدست آلق ، جنب ايسه ، حيض و يانفاس مدتى تمام اولمش
ايسه غسل ايتمك ، آبدست و يا غسله كفایت ايدە جك
قدر صو بولاماز و يا استعمالنه قدرتى اولمازسه تمیز
طوبراق و امثاليله تيمم ايتمكدر .

حدث : آبدستسز و يا جنب اولق ديمكدر .

طهارت : وجودى نمازك اداسنه مانع اولان (نجاست
حكيمه و حقيقه) دن تمیز و پاك ايلمكدر .

طهارت حكيمه : ايكي قسمدر .

۱ — حدث اكبر : جنبك ، حيض و نفاسدن طهارة

تدرکه اكا غسل ايتمك — بيوك آبدست — دينور .

۲ — حدث اصغر: بول وسائر بدن طہارت در کہ اکا

وضوء — چوک آبدست — دینور .

حدثن طہارتہ : وان كنتم جنباً فاطہروا ، و . اذا

قسمت الى الصلاۃ فاغسلوا وجوهكم ... آیت کریمہ لری دلیلدر .

۲ — نجاستدن طہارت

نجاستدن طہارت : نماز قیلہ جق کیمسہ بدنہ

نجاستدن تطہیر ایتماک لازم کلدیکی کبی البسہ سندہ ،

نماز قیلہ جفی یرده نمازك جوازینہ مانع اولہ جق مقدار

نجاستدن بری اولق دیمکدر .

نجاست حقیقیہ: (نجاست غلیظہ) ، (نجاست خفیفہ)

نامیلہ ایکی قسمہ آریلیر .

نجاست غلیظہ دخی (کشفہ) و (رقیقہ) اولہ ر

ایکی قسمدر .

نجاست کشفه — قاتی نجاست ایلہ خنزیراتی و سائرہ کبی .
 نجاست رقیقه — شراب ، قان ، اتی ینہ ین حیوانک
 بولی و سائرہ کبی در .

بدندہ ، البسہ دہ ، نماز قیلنہ جق یردہ نجاست
 کشفہ دن درہم شرعی ، نجاست رقیقه دن ال آیہ سی
 مقداری نجاست غلیظہ معفودر ، فقط بوندن زیادہ
 اولورسہ آنکله نماز جائز اولماز .

بدن ویا البسہ نک درتدہ بر بلوکی مقداری دونندہ
 اولان نجاست خفیفہ معفودر ؛ بوندن زیادہ سی — یعنی
 درتدہ بر بلوکی — مقداری نمازہ مانع اولور .

استنجاء .

استنجاء — « بول » ، « غائط » ، « منی » ، « مذی » .

کبی اوکدن و آرددن چیقان شیرک چیق دقلری محللری

تمیزلہ مک — یعنی طہارتلنمک — دیمکدر .

بودہ یا صو ایلہ ویاخود صو بولونمدیغی حالده طاش،

طوپراق ، طوغله ، کیرچ و امثالی ایلہ اولور .

استنجا ایدن کیمسه تانجاستدن اثر قالمادیغنه قناعت

کلنجہ یہ قدر ییقامق ویا طاشله استنجا ایتک لازمدر .

فصل استنجا ایدرسک ؟

صول آیاغمله خلایہ کیرر [*] ، قبلہ یی، صاغ ویاصول

طرفہ آلیرم [**] .

[*] الله تعالى نك اسمی . آیات واحادیث شریفہ یازیل

بر شی مظروف واورتولو اولمادقچہ انكله خلایہ کیرمک جائز

دكلدر . جیبده ایسه باس یوقدر .

[**] تغوط وتبول ایدن کیمسه نك قبلہ یہ اوکنی و

آرقه سی دونمسی کراحت تحریمیه ایلہ مکروه اولدینی کی استنجا

ایدن کیمسه نك دخی قبلہ یہ بو صورتله اوکنی . یاخود آرقه سو

دونمسی کراحت تنزیهیه ایلہ « مکروه » در .

میوملی آغاجلر الله، ناسك استراحت ایده جکی کولکلك

صائم اولمادیغ زمان اثنای استنجاہ آیاقلمی یکد -
یکرندن اوزاق طوتوب کندمی اییجه آشانی صالیویر یرم .
صول المک بطنیله استنجا ایدہرم [*] .

آیاغہ قالقمازدن اول یا بر بز ایله ، یاخو دالم ایله
قورولانیر ، المده کی (ماء مستعملی) ممکن مرتبہ
آزالتیرم .

استنجا دن صوکرہ همان عورت محلی اورتر؛ خلادن
چیقارم .

محلارہ ، یول اوزرینہ ، صویہ آبدست بوزمق مکروہ و آبدست
بوزارکن لاقردی ایتکده « مکروہ » در .
بلا ضرورۃ میوہ سز آغاجلر آلتنہ ، اکین ایچنہ ، چشمہ ،
نماز گاہ ، خانہ ، قویو جوارینہ آبدست بوزمق مکروہ اولدینی کی
آیاقدہ آبدست بوزمق دخی « مکروہ » در .

[*] مخرج نجاستی تجاوز ایدن نجاست درہم مقدارینی
کچرسہ تمیزلہ مک « فرض » ، درہم مقدارینہ بالغ اولورسہ
« واجب » ، مخرج نجاستی ہیچ تجاوز ایتمزسہ « سنت » در .

استنجادن اول وصو کره اللمی یقارم .

طاش وامثالی ایله استنجاده مستحب اولان شودر :
برقاچ پارچه طاش آلب ایلك طاشی مخرج نجاست
اوزرنده یازین اوگدن آرقهیه وفیشین آرقه دن اوگه
طوغری چکوب آتمه لی .

ایکنجی طاشی بونک عکسی استقامتنده چکمه لی ؛
بوصورتله مخرج نجاست پاک اولونجهیه قدر دوام ایتمه لی .
کمر ، کرمد ، کمیک ، قاش وامثالی شیر ، حیوان
یه جکی وترسی ، اطعمه جنسندن اولان اشیا ایله استنجا
مکروه در .

نجاستدن تطهیر لازم اولدیغنه • وَثَائِبُكَ فَطَهَّرْ • آیت
کریمه سی دلیلدر [*] .

[*] تبول ایدن کیمسه نك البسه وسائر سینه بول طاملا -
یا جفنه قناعت قلبیه سی حاصل اولونجهیه قدر ازاله بول ایچون
بر مدت مکث وتوقف ایتمه سی لازمدر .

۴ — طهارتده استعمال اولونان سولرڭ انواعى

طهارتده استعمال اولونان سولر — ماء مطلق ، ماء
مقيد اولق اوزره — ايكي قسمدر .

ماء مطلق — دگز ، نهر ، قار ، ياغمور وامثالى
صولره دينور :

آنلرله آبدست آلق ، غسل ايتمك جائزدر .

ماء مقيد — چيچكلرڭ ، اوتلرڭ ، ميوهلرڭ كند .
يلرندن چيقان صولره دينور :

آنلرله آبدست وغسل جائز دكلدر .

ماء مقيدله وجود والبسهدن نجاست حقيقه نك
كیده رلمسى جائزدر .

حدث وجنبلكي ازاله ده فوالا نلش تمیز صویه (ماء
مستعمل) دینور .
ماء مستعمل ایله آبدست و غسل جائز اولدینی کی
مردار اولان برشی آنکله ییقانسه شرعاً تطهیر ایداش
اولماز [*] .

آبدسته ییقانیلان عضودن ، غسله بدنن آیریلان
صو ماء مستعمل اولور .

[*] محدث ویا جنب تمیز الی ویا آیغنی ضرورة بر صو
قابه صوقسه او صو مستعمل اولماز ایسه ده بلا ضرورة صوقسه
مستعمل اولور .

فقط یالکنز پارماقلری کیرسه مستعمل اولماز .

محدث آبدست اعضاسندن غیری برعضوینی ویا بر چو جق
تمیز الی صوقسه كذلك مستعمل اولماز .

طریق قدر انسان دریسی بر صویه دوشسه او صو
مردار اولور .

صوده طوغوب یا شایان حیوانتره سینک کی آقیچی قانی

ب نلرڭ اوزرنده ايكن هم طاهر ، هم مطهر در .
 صمان چوپنى كوتوره جك درجه ده آقان ص-ولره
 (ماء جارى) دينور .

ماء جارى ايله آبدست ، غسل ، تطهير جائز در .
 آقار ص-ولره نجاست دوشسه صويك رنكندن ،
 قوقوسندن ، لذتندن برى بوزولماقجه مردار اولماز [*].
 طولاً و عرضاً اونر آرشون اوزونلغندى (۱۰۰)

اوليان بوجكلر واوردك كې قره ده طوغان فقط صوده ياشايه-
 بيلن حيوانلر صوده هلاك اولسه ، ياخود اولولرى دوشسه
 صويى مردار ايتمز .

يالكلر اوردك وامثالى صويك اوصافدن برى بوزارسه
 او صو مردار اولور .

بونلردن بشقه لر ينك اولولرى هر حالده صويى مردار ايدر .

[*] بوكې صوكنارنرنده صيره ايله برچوق كيمنه آبدست
 آله ييلير ، فقط او صويه توكورمك ، سومكورمك منيدر .

مربع آرشون مساحہ سنده بولونان ویا دھا کنیش اولان
 طورغون صولارہ (حوض کیر) دینور .
 حوض کیرک درینلکی ال ایله صو آنجه حوض
 دی آچیلیمه جق درجه ده اولق کافیدر .

حوض کیرلر آقار صو کیدر .
 سطحی یوز مربع آرشون ویا دھا زیاده اولان قویولر
 ماء جاری حکمنده در .
 صویولی اوزرنده کی قویولرده اویله در .

۲ — وظیفه :

نمازك شرط ورکنلرینی صای! حدث و طهارت نه دیمکدر؟
 طهارت حکمیه قاچدر؟ حدثن طهارت نه دیمکدر؟
 نجاست حقیقیه ، نجاست غلیظه قاچ قسمدر؟ نجاست کثیفه
 ورقیقده درهم شرعی نه در؟ نجاست کثیفه ، رقیقه و خفیفه نک
 نه مقداری مغفودر؟ استنجا نه دیمکدر؟ ونه ایله اولور؟

صو. طاش و امثالہ نصل استنجا ایدیلور؟ نجاستدن طہارت
 نہ دیمکدر؟ نجاستدن طہارتک فرض اولدیغنه دلیل اولان آتی
 اوقو! مخرج نجاستی تجاور ایدن نجاست درهم مقدارینی کچرسه
 تمیزله مک نہدر؟ استنجدادہ مکروہ اولان نہ کبی شیلردر؟ طہارتدہ
 استعمال اولونان صور قاج قسمدر؟ ماء مطلق، ماء مقید
 ہانکی صورلرہ دینور؟ دگزر، کوز تپہ صوی ماء مطلقمی،
 مقیدمیدر؟ آبدست، غسل جائز اولیان صوری سویلہ!
 ماء مستعمل نہ دیمکدر؟ صو نصل مستعمل اولور؟ ماء
 جاری ایلہ تطہیر جائز میدر؟ آقار صورلرہ نجاست دوشسہ مردار
 اولورمی؟ آقیجی قانہ مالک اولمایان حیوانک اولوسی صویہ دوشسہ
 مردار ایدرمی؟ حوض کبیر نہ دیمکدر؟ حوض کبیرک درینلکی
 نہ قدر اولق کافیدر؟ سطحی یوز مربع آرشون ویا دہا زیادہ
 اولان قویولر نہ حکمندہدر؟

۵ — آبدست الملق

نماز قیلہ جق مسلمانک آبدستلی بولونمہ سی فرضدر [*].

[*] کعبہ مکرمہ بی طواف ایتک ایچون آبدست الملق

يَا أَيُّهَا الَّذِينَ آمَنُوا إِذَا قُمْتُمْ إِلَى الصَّلَاةِ فَاغْسِلُوا
وُجُوهَكُمْ وَأَيْدِيَكُمْ إِلَى الْمَرَافِقِ وَامْسَحُوا بِرُءُوسِكُمْ
وَأَرْجُلَكُمْ إِلَى الْكَعْبَيْنِ .

آیت کریمہ سی آبدستک فرضیتنے دلیلدر .

ترجمہ سی : « ای ایمان ایلہ مشرف اولانلر . نماز
قیامغہ حاضر لاندیغکز زمان یوزکزی و دیرسکار کزلہ
برابر اللر کزی ییقایگز . باشکزه مسح ایدکز . طہ پوہ
قلر کزلہ برلکده آیاقلر کزی ییقایگز ، دیئکدر .

(واجب) ، پیغمبر من صلی اللہ علیہ وسلم زیارت کبی شایان
حرمت ایشلر ایچونده (مندوب) در .

سسلہ یوزندن قرآن او قومق
سجده تلاوت ایتک
مصحف شریف طوتمق
جامع شریفہ کیرمک .

ایچون آبدست آلمق لازمدر

۶ — آبدستك فرضلى

آبدستك فرضلى درتدر :

۱ — يوزىنى بر كره — ابكى قولاق آراسندهكى
على ، صاحك بىتدىكى يردن چكه آتنه قدر اولان
على ، كوز پىكارلرىنى ، قاش توپلىرىنى — يىقامق .

۲ — دىرسكاريه برابر اللرىنى بر كره — الك
لرناق اوجندن دىرسك ده داخل اولدىنى حالده صاغ
صول قولنى — يىقامق .

۳ — باشك درتده بر مقدارىنى بر كره — پارما -
ريه برابر بر الك ايچ طرفنى ايصالق اولدىنى حالده
ش اوزرىنه قويوب چكهرك — مسح ايتمك [*] .

[*] مسح : صو سورمك ديمكدر . باشك اوك طرفنه
مسح افضلدر .

۴ — طوپوقلریله برلکده آیاقلرینی برر کره —
پارماقلرک آره لری و طوپوقلرده داخل اولدیغی حالده صابون
وصول آیاغنی — ییقامق [*].

۷ — آبدستک سنتلری

آبدستک سنتلری اون بش در :

۱ — اویقودن اویانان کیمسه آبدست آله جنی زما
الارینی — صوقابنه دالیرمه دن اول — بیلککرینه قد
اوج کره ییقامق .

۲ — آبدستک ابتداسنده :

باشنی ماء جاری یه طوتوبده ایصلاتان کیمسه مسح ایتمه
کبی اولور .

[۱] نبی ذیشان صلی الله علیه وسلم افندمزہ جبریل علیه السلام
تبلیغ رسالت ایتدیکی وقت کندیسکی آبدست آله رق (اص
وضوء) ی تعلیم ایلش و رسول اکرم افندمز دخی اولوج
آبدست آلدقن صو کره ابتدا زوجة مکرمه لری خدیجة الکبری
رضی الله تعالی عنہایه وبعده مسلمان اولانلره تعلیم بیورمشلر

اعوذ باللہ من الشیطان الرجیم . بسم اللہ الرحمن الرحیم .
 بسم اللہ العظیم والحمد للہ علی دین الاسلام ، [*] دیمک .

۳ — ارککړ مسواک قوللانمق .

۴ — آغزینی چالقامق .

۵ — بروننه صو ویرمک [*] .

۶ — قاش ویق آلتنه صوینی ایرشدیرمک .

۷ — نیت ایتمک .

[*] ترکجہ سی : شیطان رجیمدن اللہ صیغینیرم . رحمن ،
 تیم اولان اللہک اسمیلہ باشلارم . عظیم اولان اللہک اسمیلہ
 لارم و دین اسلام ایله بزى مشرف قیلدینی ایچون اللہ
 ایدہرم .

[۰۰] آبدست آلان کیمسہنک آغزینہ صو قویوب چالقامہ سنہ
 (ضمضہ) ، بروتنی چکدرک حاصل اولان نفس ایله صوینی
 ب ایتمہ سنہدہ (استنشاق) دینور .

۸ — تکمیل باطنی مسح ایتمک .

۹ — قولاً قدرنی مسح ایتمک .

۱۰ — بیوتی مسح ایتمک .

۱۱ — ال وایاقلرینک آره سنه صو واصل اولدقد

صو کره پارماقلر آره سنی خلاللامق .

۱۲ — آیت کریمه ده کی ترتیبه رعایت ایتمک .

۱۳ — هر عضوی اوچ کره ییقامق .

۱۴ — هر ییقایشده ییقانان عضوک بر یری قور

قالماق اوزره هر طرفنی اییجه اوغمق .

۱۵ — هر بر عضوی؛ کندندن اول ییقانان عضو

صوی قورومادن -- یعنی آره یرده آبدستک غیری

شیله مشغول اولمادن — ییقامق .

سنت اوزره آبدست آل !

یوزومی قبلہ یہ دونوب اعوذ ، بسملہ ایلہ آبدستہ
باشلارم :

اللهم اجعلني من التوابين . واجعلني من المتطهرين .
واجعلني من عبادك الصالحين . واجعلني من الشاكرين .
واجعلني من الذين لا خوف عليهم ولا هم يحزنون ، [*]
دعاسنی او قوروم .

۱ — اللرمی بیاکارمه قدر اوغوشدوره رق اوچ
دفعه یی قارم [*] .

[*] ترکجہ سی : اللهم ! بنی اصحاب توبہ وطہارتدن ، صالح
وصبور قوللر کدن ایلہ .

ایفای حمد وشکرہ موفق ایت . هیچ برشیلہ دوچار خوف
وهیچ بر سبیلہ کرفتار حزن اولمایان قوللرک عدادینه قات .

[**] صو قازغان کبی بر شیئک ایچنده اولوبده صو آله حق
قاب بوله مازسه م صول المک پارماقلرینی بربرینه بتشدیرر
اصواتله — صوینی چالقامه دن — صویه صوقار ، چیقاریرم .

پارمايلرى خلالار ويوزوكم وارسه اويناديرم [*].

۲ — صاغ المله اوچ دفعه آغزيمه ، بروغمه اييجه صو

ويريرم [**].

• اللهم ارحني من رايحة الجنة وارزقني من نعيمها ولا

ترحني من رايحة النار ، [***] دعاسنى اوقوم .

المدن داملايان صولرى صاغ آوجه طوبلار واو صو ايله
پارماقلىرى اوغوشديره رق صاغ المى تميزلرم . صوكره صاغ المى
قازغانه صوقار ، صول المى وسائر اعضامى يقارم .

[۰] صيقى يوزوكلرى مطلقا اويناتمق لازمدر . بوله

يوزوكلرى اويناتمق « مندوب ومستحب » در .

[**] ار كىكار اولآ آغزلىرى « مسواك » ايله يقارلر .

خاتم الانبيا افندمز حضرتلى : « مسواك ايله قيلنان ايكي

وكت نماز مسواك سز قيلنان يتمش ركعتدن افضلدر ، بيور مشلدر .

قادينلرك ساقز چيكنه مه سى مسواك يرينه قائم اولور .

قادينلره — صائم اولمادقلى حالد — ساقز چيكنه ملك

• مستحب • ، ار كىكلره « مكروه » در .

[***] ترك سى : اللهم ! بنى رايحة جنت الماوى ايله نشو مياب

ونعيم فردوس اعلا ايله سيراب ايله . جهنم قوقوسى طويورمه .

۳ — یوزومی اوچ دفعہ ییقار [*] و « نیت ایتدم ،
آبدست آلمغہ دیرم :

اللهم بیض وجهی بنورک یوم تبیض وجوه اولیاءک
ولا تسود وجهی بذنوبی یوم تسود وجوه اعدائک ، [**]
دعاسنی او قورم .

[*] یوزینی ییقارکن آغزینی وکوزلرینی صو واصل
اولہ میہ حق درجہ دہ یوموب قایماق منہیدر .
کوز بیگارندہ چاپاق اولوبدہ کوز قپاندینی وقت طیشاریدہ
قالیورسہ قالدیروب آلتی ییقامق « فرض » در ؛ اکر ایچریدہ
قالیورسہ فرض دکلدہر .

آبدست آلیرکن یوزی ، قوللری ، آیاقلری اوچر دفعہ ییقامق سنت در .
ییقانمہ سی فرض اولان اعضایی اوچدن فضلہ ویا اوچدن
اکسیک ییقامق منہی اولدینی کبی بالجلہ آبدست اعضایی
ییقاندینی زمان « حد مسنون » ی کچمک دہ منہیدر .

[**] ترکجہ سی : اللهم ! سوکیلی قوللرینک یوزلرینی

۴ — دیرسکیمی براز کچیرہ رک صاغ قولومی اوچ
کرہ یی قارم [*]:

«اللَّهُمَّ اعْطِنِي كِتَابِي بِمِثْنِي وَحَاسِبْنِي حَسَاباً يَسِيراً» [**].
دعاسنی او قورم.

۵ — دیرسکیمی براز کچیرہ رک صول قولومی اوچ
کرہ یی قارم : [***]

«اللَّهُمَّ لَا تَعْطِنِي كِتَابِي بِشَمَالِي وَلَا مِنْ وَرَاءِ ظَهْرِي
وَلَا تُحَاسِبْنِي حَسَاباً شَدِيداً» [***] دعاسنی او قورم.

آغارتدیغک زمان بنمده یوزومی نور رحمتکله تنویر ایت . سگ
شُرک ایدنلرک یوزینی قرارتدیغک کون بکا مرحمت ایت
معصیتم ظلماتیلہ یوزومی قرارتمہ .

[*] قوللرده و آیقلرده صاغدن باشلامق مستحب در .
[**] ترجمہ سی : اللہم ! یوم محشرده دفتر اعمالی صاغمدو
ویر : حسابی تسہیل ایلہ .

[***] ترجمہ سی : اللہم ! یوم محشرده دفتر اعمالی صولمدو
آرقہ مدن ویرمہ . حسابی شدتلہ مؤاخذہ ایتہ .

۶ — باشمی تکمیل مسح ایدہرم .

یعنی المہ صو آلوب ایکی آوچلرمی و تکمیل پارماقلرمی
ایصلادیرم ، ہر ایکی المک کوچک ، اورتہ و آدسز
پارماقلرینی بربرینہ بتشدیریرم .

بو بیتیشیک پارماقلر اوج اوجہ کلک اوزرہ ایکی
المی بربرینہ یاقلاشدیریرم .

آوچلرملہ باش و شہادت پارماقلرمی باشمہ طوقوندر-
مامق اوزرہ بربرینہ بتشدیردیکم پارماقلری باشمک
اوگندن اگسہمہ قدر چکہرم .

صوگرہ آوچلرمی باشمک ایکی طرفنہ یاپشدیروب
اگسہمدن باشمک اوکنہ قدر چکہرم :

« اللهم اغثنی برحمتک » [*] دعاسنی او قورم .

۷ — قوللاقلرمی مسح ایدہرم .

[*] ترجمہ سی : اللهم ! بنی رحمتک ستر و حمایہ ایت .

یعنی تکمیل باشمی مسح ایتدیکم صیراده باشمه
دکهین باش پارماقلمک ایچی ایله قولاقلمک طیشنی،
شهادت پارماقلمک اوجی ایله ده قولاقلمک ایچی
مسح ایدهرم :

اللهم اجعانی من الذین یستمعون القول فیتبعون
احسنه، [*].

دعاسنی اوقورم .

۷ — بوینومی مسح ایدهرم .

یعنی قولاقلمی مسح ایتدیکم صیراده تمیز قالان
پارماقلمک آرقه سیله ، شاه طمار ، لرمک اوزرینی
مسح ایدهرم .

اللهم اعتق رقبتی من النار ، [**] دعاسنی اوقورم .

[*] ترکجه سی : اللهم ! بنی ، ایشتدیکی سوزلردن یالکتر
احسن اولانلرینه تبعیت ایدن قوللر کدن ایله .

[**] ترکجه سی : اللهم ! وجودمی نار جهنم کدن آزاد ایت .

۹ - ۱۰ - طوپوغمی براز پکیره رک صاغ وصول

آیاغمی اوچر دفعه ییقار، پارماقلمی ده خللالارم [۰].

[۰] آبدست عضولرندن برینی قاج دفعه ییقادیغنده شبهه ایدن کیمسه اوچه ابلاغ ایدر.

آبدست عضولرندن برینی ییقایوب ییقامادیغنده شبهه ایدن کیمسه او عضوک غسلنی اعاده ایدر؛ شبهه ایتک هر زمان عادتق ایسه اعاده ایتمز.

اعضادان برینک غسلنده شبهه ایدوب هانکیسی اولدیغنی درخاطر ایدمهین صول آیاغنی ییقار.

آبدست عضولرندن برینک بیله بیله بر نقطه سی قورو قالسه آبدست صحیح اولماز.

آبدست ایچون (۲۶۰) درهم شرعی دن زیاده صو صرف ایتمه مک لازمدر.

صو پاره ایله ساتیلان محللرده قدرتی اولاندر ایچون دکر بهاسیله آلق «واجب» در.

«ذات الزوج» اولان قادینک آبدست وغسل صولرینک بهاسنی زوجی تسویه ایدر.

آبدست صوینی معلوم اولان مقدار دن زیاده صرف ایتک، آبدست آلبرکن عورت محلی آچیق بولونمق «منهی» در.

یعنی صول الملك سرچه پارماغیله صاغ آیانمک آلتندن
وسرچه پارماغمک آره سندن خلاللامغه باشلا یوب صیره ایله
دوام ایدر، صول آیانمک سرچه پارماغنده بیتیریرم :

اللهم ثبت قدمی علی الصراطِ یومَ تزل فیهِ الاقدام، [۰]
دعاسنی او قورم .

ایشته کمال سنت اوزره و ادعیۀ ماثوره ، ایله
بو صورتله آبدست آیرم .

آبدستی بیتیرنجه : سبحانک اللهم وبحمدک اشهد
ان لا اله الا انت وحدک لا شریک لک استغفرک واتوب
الیک واشهد ان محمداً عبدک ورسولک ، [۰۰] .

[۰] ترکجه سی : اللهم ! ارباب عصیانک آیاقلری قایدینی
زمان بنی صراط مستقیمک اوزرنده ثابتقدم ایت .

[۰۰] ترکجه سی : اللهم ! سنی نقصان صفتلردن تنزیه ایدر ،
سکا حمد ایلرم . برسک شریکک نظیرک یوقدر . بونی تصدیق

دعاسنی او قود قدن صو کره تبر کا بر، ایکی ویا اوچ کره ده:

انا انزلناه فی ایلة القدر وما ادریک مالیلة القدر لیلة القدر

خیر من الف شهر تنزل الملائكة والروح فیها باذن ربهم

من کل امر سلام هی حتی مطلع الفجر سورہ جلیلہ سنی

او قورم .

ایدرم . درکاه رحمتک التجا ایدہ رک حقمدہ مغفرت الہیہ کی

نیاز ایلرم . حضرت محمد علیہ السلامک سنک قولک و پیغمبرک

اولدیغنی ده تصدیق ایلرم .

آبدست آلان کیمسه ایستہ دیکی یولده دعا ایدہ بیلیر .

و خصوصیلہ [آمنت باللہ و ملئکتہ . . .] دعاسنی تماماً او قومقدہ

سہولت کوریلور ایسہده صلحای اسلافدن مروی اولان

(ادعیۂ مأثورہ) یی تلاوت یاخود مآلاً وترجہ ذکر و تکرار

ایتمک مندوب در .

آنحق بو دعا لری بیلیمین، ترجہ مآل لرینی تخطر ایدہ مہین

آبدست اعضاسنی ییقارکن ہر برندہ : « اشہد ان لا الہ الا اللہ

واشہد ان محمداً عبده ورسوله » ترجہ سی : « جناب اللہک

۸ — آبدستک مستحباری

آبدستک مستحباری در تدر :

۱ — آبدست آلیرکن دائماً صاغ طرفدن باشلامق.

۲ — آبدست آلیرکن آره سنی کسمیه رک صوی دوام

اوزره اولاشدیر مق .

۳ — بونونی مسح ایتک .

۴ — آبدستک سنتلرینه کاملاً رعایت ایتک .

۹ — آبدستک آدابی

آبدستک آدابی اونی یدیدر :

۱ — نماز وقتی کیرمه دن اول — صاحب عذر

اولمایانلر — آبدست آوب حاضر بولنمق .

بر لکنه و محمد علیه السلامک رسالتله ممتاز اوله رق اللهک قولو
اولدیغنه شهادت ایدهرم . « دیمه سی دخی آبدستک آدابندندر

- ۲- آبدست صوینی کندی آلوب کندی دو مک [۱].
- ۳- آبدست آیر کن یوزینی قبلہ یه دو مک [۲].
- ۴- آبدست آیر کن دنیا کلامی سویلمه مک [۳].
- ۵- آبدستہ دو کولن صولر اوزرینہ صیچرامہ یه جق صورتہ یوکسک بر موضعه بولونہ رق ویا فوطه طوتو۔
- تھرق البسہ یی آبدست صوینک طاملہ لرن دن محافظہ ایتک [۴].
- ۶- صوینی آز آلمہ رق ہر اوج ییقایشده آبدست اعضا سندن صو طاملہ یه جق مقدارده صو قولالانق .
- ۷- دکز کنارندہ آبدست آلنہ بیلہ صوینی اسراف ایتہ مک .

-
- [۱] بشقہ سنک اعانہ سی اولمقسزین آبدست آلق مستحب وبلا ضرورۃ طلب اعانہ مکروہ در .
 - فقط بر امرہ مستند اولمہ رق محبۃ بر شا کرد استادینک، بر خدمتجی افندی سنک الہ آبدست ایچون صو دوکسہ آبدست آلان « آداب وضوئہ » مخالفتده بولنمش اولماز .
 - [۲] جہات سائرہ یه توجہ دہدہ کراہت یوقدر .
 - [۳] بلا حاجۃ قونوشق « مکروہ » در .
 - [۴] البسہ یه آبدست صوینک صیچرامہ سی مکروہ در .

۸ — آغزینہ ، برونہ صاغ ال ایله صو ویرمک
وبروتنی صول ال ایله سیلمک .

۹ — آغزینی صو ایله طولدوروب اییجه چاقماق
وبروتنی کوزله ییقامق .

۱۰ — پارماقده کی یوزوکی اویناتماق .

۱۱ — قولاقلره مسحده: سرچه پارماقلرینی قولاق
دلیکلرینه صوماق .

۱۲ — صول ائک سرچه پارماغیله آیاق پارماقلرینی
خلاللاماق .

۱۳ — یوز ، ال وایاقلرده ییقانمہ سی فرض اولان
حدودی براز کچمک .

۱۴ — آبدستک نہایتہ قدر نیتی خاطر کده طوتماق .

۱۵ — قبلہ یه قارشی طوروب آبدستدن آرتان صودق
بر ویا اوچ یوطوم ایچمک .

- ۱۶ — آبدستدن صوگره آبدست آلدینی ابریق
ویا مشربه بی طولدوروب اوילה براقق .
- ۱۷ — آبدست آلوب نماز قیلدقدن صوگره آبدستی
بوزولمادن بشقه بر عبادت ایچون تکرار آبدست تازه له مک .

۱۰ — آبدستک مکروهلری

آبدستک مکروهلری بشدر :

- ۱ — صوی یوزینه حیزله اوروب چارپتق .
- ۲ — بروتنی صاغ الیه سیلمک .
- ۳ — آغز و بورونته صول ال ایله صو ویرمک .
- ۴ — یوزینی ییقارکن -- نفسی ایله -- صویه
اوفله مک .
- ۵ — مسح ایدیله جک یرلری -- هر دفعه سنده
النه یکیدن صو آله رق -- اوچر دفعه مسح ایتمک .

۱۱ — آبدستی بوزان شیلر

آبدستی بوزان شیلرک باشلیجه لری سکزددر [*].

۱ -- اوگدن وآرقه دن نجاست ، یل ، قوردو طاش
چیقماق .

۳ -- بدن دن ، قان ، ایرین و صاری صو چیقهرق
حکم تطهیر لاحق اولان — یعنی آبدست و غسله
ییقانمه سی فرض قیلنان -- محله تجاوز ایتک [*].

[*] آبدستی بوزمایان شیلر: تر، توکروک، سموک، بلغم چیقماهی،
چو جو قلد رهمه ویرمک، طرناق و صاچ کسمک، طراش اولمق، علت
سببیه اولمایان کوز یائی، کوز و یارده آقق بولنوب ده طیشنه
چیقماهی، قولاق، آغز، برون و یارده دن قورت چیقماهی،
یارده دن دوشن ات پارچه سی، باشدن اینن طوکمش قان، وجودک
بر طرفی و نسوانی مس و تقیل ایتک، آبدستی اولدیغنی یقیناً
بیلوب صکره دن حدث واقع اولدیمی دیو تردد و شبهه ایتک .

[**] اگر چیقان قان، ایرین و صاری صو یرلرنده قلوب
آقازلر و آبدست ایله غسله ییقانمه سی فرض اولان بر طرفه
بولاشمازلر ایسه آبدستی بوزماز .

- ۳۔ بلغمدن ماعدا آغز طولوسی — آغزده طوتمه سی
 زور ایله ممکن اوله جق شیئی — قی ایتماک .
- ۴۔ یاتهرق ویا خودقالدیر یلنجه انسانی دوشوره جک
 بریره یا صلا نوب طیانه رق او یومق .
- ۵۔ بایلمق ، صرعه حمله سی ، جنون ویوررکن
 سنده لیه جک درجه ده سرخوش اولمق .
- ۶۔ باغ اولان کیمسه نمازده قهقهه ایله کولماک [*] .

وجوده بر ایکنه باتوبده یالکیز یارمنک باشنده قان
 بوکسله فقط آقسه آبدست بوزولماز .

[*] قهقهه — آزی دیشلری کورونه جک یعنی بشقه سی
 یشیده جک قدر کولمکدرکه — آبدستی و نمازی بوزار .

ضحک — کندی ایشیده جک قدر کولمکدرکه — نمازی
 بوزار .

تبسم — هیچ سس چیقارمق سزین کولمکدرکه — آبدستی
 نمازی بوزماز .

صلات کاملک غیری اولان جنازه نمازینی وسجده تلاوتی
 قهقهه بوزار سده آبدستی بوزماز .

۷ — تیمم ایتش اولان کیمسه صوینی کورمک .

۸ — صاحب عذر اولانلر ایچون وقت چیقماق [*].

۳ — وظیفه:

آبدستک فرضیتینی آمر اولان آیت کریمه یی اوقو . مآلنی سویله : نماز قیلمق ، کعبه یی طواف ایتک ایچون آبدست آلمق نه در ؟

[*] ادرار ، یل ونجاستنی طوته میان ، (ایام حیض) دن ماء را کندندن دم کان ، برونی قانا یان ، یاره وچیپانی اولان ، بر طرفدن دائما قان ویا جراحت آتقی کبی بر صورتله آبدستی بوزولان کیمسه لره (صاحب عذر) دینور .

عذر صاحبی هر نماز وقتنده بر کره آبدست آلوب اولو آبدسته ایسته دیکی عبادتی اجرا ایدر . او مدته عذری سبیل آبدستی بوزولماز .

فقط عذر دن بشقه حدث وقوعی ووقتک چیقمه سی آبدستی بوزار .

صاحب عذر وقت چیقنجه یه قدر مسته مسح ایده بیلیر وقت چیقنجه آیاقلرینی ییقار .

بر کیمسه صاحب عذر صایلمق ایچون عذرینی خاصه ایدن حدث وقوع بوله سندن اعتباراً تام بروقت کچمه سی شرطده

تہ کی شیلراچون آبدست آلق لازمدر؟ آبدستک فرضلری
 قاجدر؟ یوزک نرمترینی ییقامق فرضدر؟

دیرسکلریلہ برابر المترینی برر کرہ ییقامق نہدر؟ باشہ نصل
 مسح ایدیلہ جک؟ آیاقلر نصل وقاج کرہ ییقامالیدر؟ آبدستک
 دوردنجی فرضی نہدر؟ پیغمبر من افندمزہ (اصول وضوء) ی کیم
 تعلیم ایتش ، آبدستک سنتترینی سویلہ ! مضمضہ ، استنشاق
 تہ دیمکدر؟

سنت اوزرہ آبدست آل! صو قزغان کبی برشیٹک ایچندہ
 اولوبدہ صو آلہ جق قاب بولہ مازسہک نہ صورتدہ آبدست
 آلہ جقسک؟

مسواک حقندہ نہ معلوماتک وار؟

آبدستہ نہ وقت نیت ایدرسک؟ یوزینی ییقار کن ہانکی دعایی
 اوقوردسک؟

قوللرکی ییقار کن اوقونہ جق دعالرک ترکجہ سفی سویلہ!

تکمیل باش نصل مسح ایدیلہ جک؟ قولالقر نصل مسح
 ایدیلور؟ بویونکی مسح ایت! آیاقلرکی نصل وقاج کرہ ییقارسک؟
 آیاقلردن باشلامق صورتیلہ آلتان آبدست صحیح میدر؟

آبدست عضولرندن برینی ییقایوب ییقامادیغندہ شبہ ایدن
 تہ ییار؟ اعضادن برینک غسلندہ شبہ ایدوب ہانکیسی اولدیغی
 دوخطر ایدہ مہین نہ یاپہ جق؟ آبدست عضولرندن برینک بیلہ

بیلا بر نقطہ سی قورو قالہ آبدست صحیح اولورمی ؟

آبدست ایچون نہ قدر صو صرف ایدہ جکسک ؟ ایکی
کشی یہ کفایت ایدہ جک صو ایلا حین ضرور تده درت کشی
آبدست آلامازی ؟ آبدستک سنترینی ترک ایدہ نک آبدستی
صحیح میدر ؟ آبدستی بیتیرنجہ نہ اوقورسک ؟ آبدست دعا لری
بیلیمین ایستہ دیکی یولده دعا ایدہ بیلیرمی ؟ آبدستک مستحیلرینی
آدانی سویلا ! آبدستده بلا ضرورہ وطاب اعانہ نہ در ؟

آبدست صوی البسہ یہ صیچراسہ نہ اولور ؟

آبدستک مکروہلری قاچدر ؟ آبدستی بوزان و بوزمیلان
نہ کبی شیلردر ؟ قہقہہ ، ضحک ، تبسم نہ دیمکدر ؟

صلات کاملک غیریده قہقہہ آبدستی بوزارمی ؟ وجودہ
بر ایکنہ بانوبده یالکز یاردنک باشنده قان یوکسلہ ققط
آقہسہ آبدست بوزولورمی ؟ آبدستده یوزینی بیقامق ، نیت ایتک
نہ در ؟ یوز قول و آیقلری برر ، وەر عضوی اوچر کرہ بیقامق
نہ در ؟ آبدست آلیرکن دائما صاغ طرفدن باشلامق ، یوزینی
قبلہ یہ دونمک نہ در ؟ دکز کنارنده آبدست آنسہ بیلا صوی
اسراف ایتہمک ، آبدستک نہایتہ قدر نیتی خاطرندہ طوتقی
برونی صاغ ایلاہ سیلمک نہ در ؟

بلغمدن ماعدا آغز طولوسی قی ایتک ، تر ، توکروک
یارہدن قورت جیقمق آبدستی بوزارمی ؟ چوجوہ
ویرمکله ، طرناق کسمکله ، اویومقلہ ، صاج کسمکله آبدست

وزولورمی؟ صاحب عذر کیملره دینور؟ بر کیمسه صاحب
بذر صایلمق ایچون شرط نه در؟ آبدست آلیرکن حاصل
بتدیکک ذوق روحانی بی آکلات!

۱۲ — غسلك سببی

غسلك سببی ایکیدر :

بر در آن آیدریم هم

۱ — جنبِ حالی .

۲ — حیض و نفاسك تمامی .

﴿ حیض ، نفاس ﴾

حیض، بالغه و دم ظهورینه سبب اوله جق مر ضرلدن
ماله اولان قادینك رحمندن — اکثریا آی باشلرنده —
سیلان ایدن دم در .

دمك رنکی سیاه، صاری، بولانیق، یشیل اولسه ده
م حیض اعتبار اولنور؛ بیاض رنك دم حکمنده دکلدر .
قادینلر کبه قالدینی زماندن اعتباراً حیض کورمز لر .
ضع حملی متعاقب نفاسه مبتلی اولور لر .

نفاس، توليدى متعاقب سيلان ايدن دم در كه مره
حکمنده در .

حيضك اقل مدتى : كيجه لريله برابر اوج كه
— ۷۲ ساعت —، اوسطى : بش كون — ۱۲۰ ساعت —
اکثرى : اون كون — ۲۴۰ ساعت — در .

قادينلرك حىضدن پاك اولدقلرى زمانه ، طه
دينور كه اقل مدتى اون بش كون اولوب اكثر ما
ايچون حد معروف يوقدر . يعنى برقادين عمرينك نها
قدر طاهر اوله بيلير . بوگنا حىضدن كسيلمش دينلمكده
نفاسك اقل مدتى ايچون حد معروف اولماي
اکثر مدتى زمان توليددن بدأ ايله نهايت قرق
قدر اوله بيلير و ايکيز طوغوران قادينك ايام نفاسى
طوغان چوجوغلک زمان توليدندن حساب اولونور
حيض و نفاس حالنده اولانلر نماز قىلاماز ، او
طوتامازلر ؛ آنلرك وقت نمازلرى ساقط اولورس

اور وجرلرینی بعدالتطهر — رمضان آینٹ خارجندہ کونی
کونہ طوتہ رق — قضا ایتہلری لازم کلور .

رحمدن اولمایارق برداماردن آقوب کلن — حیض
ونفاس دی کبی رایحہ کریہہ سی اولمایان — دمہ دم
استحاضہ — دینور .

دم استحاضہ غسلی ایجاب ایتہ یوب نماز واور وجہ دہ
مانع دکادر .

استحاضہ حالندہ بولونانلر — صاحب عذر صایلدہ
قلری جہتلہ — ہر وقت نمازی ایچون آبدست آلمالری
ایجاب ایدر .

کړك قليل وکړك کثیر اولس-ون مدت حیضك
آراسنہ کیرن ، طهر ، حیضدن صایلور . مثلاً مدت قلیلہ
اولان اوچ کونٹ برنجی و اوچنجی کونلرنده دم سیلان
ایدوب ایکنجی کونندہ ظہور ایتہ سہ طهر وقوع بولان
ایکنجی کون دخی برنجی و اوچنجی کونلر کبی یوم
حیض صایلیر .

کذلك مدت کثیره اولان اون کونک برنجی وایکنجی
کونلری ایله طقوزنجی واونجی کونلرنده دم سیلان
ایدوب آراده کی کونلرده ظهور ایتمه سه آنلر دخی ایام
حیضدن معدود اولور .

دوقوز یاشندن آشاغی اولان قزچو جوفلرندن و حامل
اولان قادیلردن وضع حمله قدر کان دم ایله اقل مدت
حیض اولان اوچ کوندن نقصان واکثر مدت حیض
اولان اون کون ایله اکثر مدت نفاس اولان قرق
کوندن زیاده زمانلرده ظهور ایدن دمه استحاضه دینور .
حائض اولان قادیندن ظهور ایدوبده عادت معرو-
فه سندن واکثر مدت حیض اولان اون کوندن زیاده
آقان دم ایله نفساء اولان قادیندن عادت معروفه سندن
واکثر مدت نفاس اولان قرق کوندن زیاده آقان دم
دخی استحاضه در .

مثلاً برقادیئک حیضدہ عادت معروفہ سی آلتی کون اولدینی حالہ کنندن دم سیلان ایدہرک عادتیی اولان آلتی کونی وا کثر مدت حیض اولان اون کونی تجاوز ایلہ فرضا اون اوچ کون امتداد ایتسہ عادتیی اولان آلتی کون حیض و باقی یدی کون استحاضہ صایلدینی کبی نفاسدہ عادتیی مثلاً اوتوز کون اولان برقادیئدن ظهور ایدن دم عادتندن زیادہ وا کثر مدت نفاس اولان قرق کونی تجاوز ایدہرک بالفرض قرق یدی کون امتداد ایتسہ عادتیی اولان اوتوز کون ایام نفاس اعتبار اولونوب باقی اون یدی کون ایام استحاضہ صایلور .

آنجق کنندن مستمراً دم استحاضہ کلکدہ ایکن بالغہ اولوب هنوز حیض کورمکہ باشلایان قادیئک هر آیدہ اون کونی حیض و باقیسی استحاضہ اعتبار اولونور . کذئک بوصورتلہ برنجی دفعہ وضع حمل ایدن قادیئک ایام نفاسی قرق کون اولوب باقیسی استحاضہ دن معدود اولور .

« وَاِنْ كُنْتُمْ جَنْبًا فَاطْهَرُوا ، آیت جلیله سی غسلك

فرضیتنه دلیلدر .

ترجیه سی : « جنب اولدیغکز وقتده غسل ایدیگکز،

دیگدر [*] .

حیض و نفاس ایله حرام اولان شیر :

نماز قیله ماز ، اوروج طوته ماز ، قرآن اوقویه ماز ، برآیت
کریمه یی بیله مس ایده مز ، جامعہ کیره مز ، طواف ایده مز .

حائض و نفساء قادین ذکر ، ثنا و دعای مشتمل اولان آیتلری
قرآن قصدیلہ اولمایوب ذکر ، ثنا و دعا مقامنده اوقور .

اللرینی و آغزینی یقایوب یمک یر ، صو ایجر ، پیشیردیکی
یینیر ، آرتیغی ایچیلیر ، طوتدیغی استعمال ایدیلیر .

[*] قرآن قصدیلہ مصحف شریف اوقومق

مصحف شریفی طوتمق ،

جامع شریفه کیرمک ،

کرمه یی طواف ایتمک ،

قرآن یازیلی — لوحه و سائرہ کی — شیرلی طوتمق

جنب اولانلره
« حرام » در .

قرآن کریم یازمق

کتب دینیہ یی طوتمق ، اوقومق ،
الو آغزینی ییقامه دن یمک ، ایچمک ،

جنب اولانلره « مکروه » در .

۱۳ — غسلک فرضی اوجدر

غسلک فرضی اوجدر [*]:

۱ — آغزبنک ایچنی — بوغازینه قدر — ییقامق ،

۲ — ککگزینه قدر بروتی — برونده کیر وارسه

تی — ییقامق ،

۳ — بدنک سائر طرفلرینی ایکنه اوجی قدر قورو

قالمق اوزره ییقامق [*].

{ شهادت کتیرمک ،
 ممله چکمک ،
 هم ذوالجلالی ذکر و تسبیح ایتمک ،
 ما او قومق . الحمد لله وامثالنی دیتمک ،
 جنب اولانلره جائزدر .

[*] جمعه ، بایرام ، عرفه کونلریله احرامه کیرلدیکی وقت

سل ایتمک « سنت » در .

[**] قادینلر اورولمش صاحپلرینک کوکلرینی ییقامالیدر ؛

کر اورکو چوزولمش ایسه هر طرفنی ییقامق فرضدر .

طرباقلر آلتنه صویب ایصال — طرناغی اوزامش اولانلر

یچون — « واجب » در .

۱۴ — غسلک سنتلری

غسلک سنتلری یدیدر :

۱ — نیت ایدوب اللرینی ییقامق ،

۲ — مردارلق چیقاز محللرینی ، اولوقلرینی

مردارلق اولان یرلرینی — نجاست اولسه دخی — ییقامق [*]

۳ — سنت اوزره آبدست آلتق [**] ،

۴ — آبدست دعالرینی اوقومق ،

۵ — باشنه ، اوچ صاغ و صول اوموزلرینه ده اوچر

کوزک ایچنی ، قپانمش کوبه دلیکنی ییقامق فرض دکلدبر
لزوجتلی برشی دیش قوووغنی طولدورمش اولوبده آلتق
صو کچمه جک اولورسه غسل تمام اولماز .

[*] غسل : عورت محللری پشمال و سائر ايله اورتولما
اولدینی حالدۀ تنها بر محلدۀ اجرا ایدیلیر؛ چپلاق اوله رق غسلد
قبليه دونمک « منہی » در .

[**] غسل آبدستی آلان کیمسه — سنت اوزره نماز آبدستی
آلماش اولسه بيله — او غسل آبدستی ايله نماز قيله بیلیر .

کرہ صود و کوب سائر بدنی یقایہ رق الٰہ صو کرہ صاغ
وصول آیاغنی ییقامق ،

۶ — هر صو دو کدجکه بدنی اوغوشدر مق ،

۷ — آیاغنی آلتندہ « ماء مستعمل ، طویلانان کیمسه غسل

تمام اولدقدن صو کرہ آیاغنی یوکسات بریرده یاخود بشقه
بر محله ییقامق .

سنت اوزره غسل ایت !

۱ — اولانیت ایدوب اللرمی ییقارم [*] ،

۲ — مردارلق چیقان یرلرمی ، اولوقلرمی ،

وجودمده مردارلق اولان محلرمی — نجاست اولسه

دخی — ییقارم ،

[*] غسله نیت ایدهرک بر کرہ دکزه طالبوب — وجودینی

وچ کرہ حرکت ایتدیرمک ، یاخود آز مدت طور مقله —

چیقان کیمسه آغز و بروننه صو آنجه سنت اوزره غسلی

اجرا ایتمش اولور ؛ او آبدست ایله نماز قیلار .

۳ — نماز ایچون آلدیغم آبدست کبی سنت وجهه اوزره

آبدست آیرم،

۴ — آبدست دعالرینی اوقورم [*]، وجودمدق

آقان صو آیاقلرمک بولوندیغی یرده طوپلانیورسه آیاقلرمی
ییقامغی غسلاک صوکنه براقیرم،

۵ — باشمه اوچ دفعه، صاغ وصول اوموزلرمده

اوچ دفعه صودوکر، سائر یرلرمی، -- آیاقلرمک آلتند
صو طوپلانیورسه -- صاغ وصول آیاغمی ییقارم،

۶ -- هر صو دوکدجکه بدنمی اوغوشدورورم،

۷ — اک صوکره صاغ وصول آیاغمی یوکسک یر

[*] موضع نجاست اولان حمامده قرآن، دعا اوقومق

ذکر ایتک «مکروه» در.

موضع نجاست اولیان تمیز بر محله اغتسال ایدیلیر

آبدست دعالرینی اوقومق «مستحب» در.

دہ ویاخود بشقہ بر محلہ یبقارم [۱] .
ایستہ سنت اوزرہ بو صورتہ غسل ایدہرم .

۴ — وظیفہ:

غسلک سببی قاجدر ؟ حیض ، نفاس نہ دیمکدر ؟
حیض ونفاسک اقل وا کثر مدتی نہ قدردر ؟ « استحاضہ »
دیمکدر ؟ کیملردن ظهور ایدر ؟ حیض ونفاس ایله حرام
لان شیرلی سویله ! حائض ونفساء قادین ذکر ، ثنا ودعای
تمل اولان آیاتی قرآن قصیدیلہ اولیہرق اوقویہ بیلیرمی ؟
سلاک فرضیتنی آمر اولان آیت جلیلہنی اوقو ، ترکیهسنی
یلہ ! ~~غسلک~~ فرضلی قاجدر ؟ غسلاک اوچنچی فرضی
یلہ ! غسلده ارکک وقادینلرک اورولمش صاچلری حقده

[۲] غسل ایتمک ایچون (۱۰۴۰) درهم شرعیدن فضله
رنه لر طولوسی صو دوکونه رک اسراف ایتمک حرامدر .
حمام قورنه سنده اولان صو ، متنجس اولدینی یقیناً
نمدکجه آبدست وغسلده استعمال اولنور .

آنجق اثر نجاست ظاهر اولدینی تقدیرده قورنه ده کی صوبی
آدو مکک ایجاب ایتیهوب موصلقدن صو آقیدیلہرق بر مقدار
شیرمق کافدر .

معلوماتك نهدر؟ جمعه، بايرام، عرفه كونلريله احرامه كيرلديكى
وقت غسل ايتك نهدر؟ جنب اولانلره حرام، مكروه
جائز اولان شيلرى سويله! غسليه كوزك ايچنى ييقام
فرضيدر؟ طرناقلىر آلتنه صوينى ايصال كيملره واجيدر
غسلك ستنلرينى سويله! غسل نه صورتله اجرا ايديلير؟ سندن
اوزره غسل ايت! دكزه كيروب چيقمش آدم غسل ايتمش اولورمى
تميز بر محله اغتسال ايديليرسه آبدست دعالرينى اوقومق نهدر
وجوددن آقان صو آياقلىك بولونديغى يردنه طوبلانيورسه
ياپارسك؟ باش، صاغ وصول اوموزلرينه قاچ كره صو دوكرسك
غسل ايتك ايچون نه مقدار صو صرف ايدرسك؟ حم
قورنه سنده اولان صو آبدست وغسليه استعمال اولنورمى
آبدست وغسليه صوينى اسراف نهدر؟ آبدست وغسليه نيتد
فرق وارميدر؟ X



١٥ — تيمك سبى

تيمك سبى صويك بولونماه سيدر؛ بوده سكه

درلو اولور:

۱۔ — صو؛ درت بیک آدیمدن اوزاق برمسافهده
ولق [*]،

۲۔ — صو بولنوبده مردار ویا مستعمل اولق،

۳۔ — صویی استعمالده وجوده ایراث ضرر ایده جگنی
لیب مسلم حاذق اخطار ایتک،

۴۔ — صو بولنوبده غسل ویا آبدسته صرف ایدلدیکی
الده کندی، رفیقی ویا خود حیوانلری صوسزلقدن
الاک اوله جغنه ظن غالب حاصل ایتک، یا خود اتمکلرینک

[*] صو بوله جغنی یقیناً امید ایدن وهردرلو تهلکهدن امین
لان کیمسه نك درت جهته طوغری اوچریوز آدیم پورویه رك
وی آرامه سی و تصادف ایتدیکی آدمه صورمه سی واجب در.
صویی بوله جغنی امید ایتمین کیمسه ایچون صو آرامق
یم دکلدر.

تیم: تمیز طوپراق و او جنسدن اولان شیرله یاییلیر.

طوپراق جنسی: آتشد یوموشامه یان واریمه یین شیردر

طاش، قوم، کره مید، توز و سائره کبی.

صو بولونمیان یرده نجاست دخی ارض

رله تطهیر اولنور.

خیرینی یوغور مغہ وازالہ نجاستلرینہ کافی صو قالیہ ج
تبین ایتک ،

۵ -- حمام و صو پاردسی بولونماق [*] ، یا خود
آلغہ کیدنجه تأثیر هوادن خسته لکنک اشتدادی
هلا کی ملحوظ اولق ،

[*] صو معتدل فیئالتہ صاتیلیور ایسہ — حوایج ضرر
سندن فضلہ پاردسی بولونان کیمسہ ایچون — آبدستہ ویا
کفایت ایدہ جک قدر صاتون آلق لازمدر .
معتدل فیئالتہ صاتیلیور ایسہ آلق لازم دکلدیر .

صو ایصیدہ جق واسطہ و حمامہ ویرہ جک پارہ اولما
قیشین صوغوق صو ایله غسلدہ وجودہ ایراث ضرر اید
ثابت اولورسہ تیمم ایدیبر .

آبدست اعضاسنک قسم اعظمی یارہ لی اولان کیمسہ دہ تیمم
اغتسالہ محتاج اولان کیمسہ نک نزدندہ آنجق آ
آلہ جق مقدار صو بولونسہ مادامکہ تماماً غسلہ کفایت ایتیمہ
تیمم ایدر . آنجق بمدالتیمم کندیسندہ آبدستی موجب
واقع اولسہ آبدست آلق لازمدر؛ حتی صویک مقداری آ
اعضالرینی بردفعہ بیقامغہ کفایت ایتسہ فرض ادا ایدلمش او
جهتله آبدست آلیر .

سندن اولانندن

۶ -- صوبولونوبده چیقاره جق آلت واستعمال ایده جک واسطه بولونه مامق ،

۷ -- صوآلغه کیدنجه دشمنک ، حیوانات وحشیه نک جان و مالنه تسلطندن قورقق ،

۸ -- صوبولونجه یه قدر جنازه ، بایرام نمازلرینک حقوت اوله حنی تقدیرده تیمله قیلحق [*] .

۱۶ — تیمک فرضلری

تیمک فرضلری اوچدر :

۱ — نیت ایتک [*] .

[*] جنازه و بایرام نمازلری اعاده و یا قضا اولونه ماز .
آنحق جنازه نمازینی متوفانک ولیسی اعاده ایده بیله جکندن
آلتک تیمم ایتمه سی جائز دکدر .
[**] جنب حالنک ازاله سی ایچون تیممه نیت ایدن کیمسه
او تیمله نماز قیلار .

بر کیمسه تیممه نیت ایتمکه برابر بشقه سنه امر ایدوب
کندی سنه تیمم ایتدیرسه جائزدر .

۲. — اللرینی تمیز طوپراق و او جنسدن بر شیئہ
اوروب یوزینی مسح ایتک ،
۳. — تکرار اللرینی تمیز طوپراق و او جنسدن بر شیئہ
اوروب صاغ وصول النی دیر سکلرینه قدر مسح ایتک .
- « فَلَمْ تَجِدُوا مَاءً فَتَيَمَّمُوا صَعِيدًا طَيِّبًا ، آیت کریمہ سی
تیمک فرضیتنه دلیلدر .



۱۷ — تیمک سنتلری

تیمک سنتلری یدیدر :

۱ — طہارتہ نیت ایدوب بسملہ چکمک ،

۲ — پارماقلر آچیق اولدینی حالده ایکی اللری

طوپراغه اوروب ایلری کری چکمک ،

۳ — آوجلریره طوغری کتیرلمک اوزره — اللردہ

تیم اعضاسنده خیر کبی یاشمش مایع و سائرہ بولتور
آنک اوزرینه مسح ایدلسه تیم جائز اولماز .

زیاده طوپراق وارسه۔ ایکی الک باش پارماقلرینی بربرینه اوروب سیلکمک،

٤۔۔ ایکی ال ایله یوزینی مسح ایتمک،

٥۔ تکرار اللرینی طوپراغه اوروب سیلکمک،

٦۔۔ صول الک۔۔ آوج ایچی وباش پارماغک غیری

— پارماقلرینک ایچی ایله صاغ النک طیشنی پارماقلری

اوجندن دیرسکینه قدر صیوایه رق چکوب الی ایچ طرفنه

دوندورمه لی، بوسره ده باش و سرچه پارماغنی خلقه ایدهرک

صول الک آوجنک ایچی ایله قولک ایچ طرفنی صیوایه رق

بیلکینی وباش پارماغک ایچی ایله پارماغک اوستنی مسح ایلمک،

٧۔ ایچی بریره سورولمه مش اولان صاغ ال ایله ده

صول الی او صورتله مسح ایلمک [*].

[*] تعریف اولوندیغی کبی تیمی یاپه مایان کیمسه مسح ایدلمه دک

ر طرفی قالماق شرطیله تیمده فرض اولان اعضایی بورا بورا

یا بشقه صورتله اجرا ایتسه جائز اولور.

ق-ه-ف

سنت اوزرہ تیمم ایت !

۱ — نماز ایچون طہارتہ — بسملہ ایلہ — نیت ایدہرم ،

۲ — پارماقلمک آرہلری آچیق اولہرق ایکی المی تمیز

طوپراق اوزرینہ اوروب ایلری کری چکہرم ،

۳ — اللرم زیادہ توز، طوپراق اولمشسہ آوجلرم یرہ

کلمک اوزرہ باش پارماقلمی بربرینہ اوروب سیلکہرم

۴ — ایکی الم ایلہ یوزومی تماماً مسح ایدہرم [*] ،

اللری چولاق اولوب آبدست ویا غسل ویا تیمم اقتدار

اولیان ویا ایتدیرہ جک کیمسہ سی بولونمیان کیمسہ تیمم نیت

ایکی اللرینی دیرسکلرینہ قدر یرہ ، یوزینی دیوارہ مسح ایدر

وبو صورتلہ نمازی ادا ایدر .

نزدندہ صو اولان بر کیمسہ دیگر برینہ : « سکا آبدست

کفایت ایدہ جک قدر صو ویریرم » وعدندہ بولونسہ اوکیم

— نمازی قضایہ قالمق قورقوسنی اولسہ بیلہ — وعد مذکور

انجایزینہ انتظار ایتک لازم کلیر .

[*] قاش ایلہ کوز آرہ سندنده کی محلی دخی مسح ایدر

پارماقدہ کی یوزوکی چیقاریرم .

۵ — تکرار اللمی طوپراغه اوروروم ،

۶ — صول المک باش پارماغنی آییریرم. او برپارماقارمک
 ایچ طرفی ایله صاغ المک طیشنی پارماقارمک او جلرندن
 رسکمه قدر آووچی طوقوندرمادن صیوایه رق چکه رم .
 صوکره ایچ طرفنه دوندوروب سرچه پارماغمله باش
 ماغمی خلقه ایدهرک باش پارماغمده برابر اولق اوزره
 سول المک آووچنک ایچی ایله تکرار دیرسکمدن
 سلا یوب قولمک ایچ طرفنی صیوایه رق بیلکمه قدر
 مسح ایدر و باش پارماغمله ده صاغ المک باش پارماغنک
 مستنی مسح ایدهرم ،

۷ — بریره سورولمه مش اولان صاغ المک ایچ
 رفی ایله ده صول المی عین صورتده مسح ایدهرم .
 ایشته سنت اوزره بو وجهله تیمم ایدهرم [*] .

[*] آبدستی بوزان شیر تیمی ده بوزار. برده صوبولنوب
 نعمالنه قدرت اولدینی آنده تیمم بوزولور .

٥ — وظیفه :

تیم نه دیمکدر ؟ قاج درلو اولور ؟ صو بوله جغنی یق
امید ایدنهک صوی آرامه سی نه در ؟ تیم نه ایله یاپیلیر ؟ ص
معتدل فیئاته صاتیلان محله فضله پاره سی اولان تیم ایدنه بیلیر
آبدست اعضاسنهک قسم اعظمی یاره لی اولان آبدست آلیر
اغتساله محتاج اولان کیمسه نهک نزدنده آنجق آبدست آلا
مقدار صو بولونسه نه یاپار ؟

صو بولونجهیه قدر جنازه وبایرام نماز لرینک فوت اوله
تقدیرده نه یاپارسک ؟ جنازه نمازینی متوفانک و لیس تیمله قیلار
تیمک فرضلری قاجدر ؟ تیمک فرضیتنی آمر اولان آ
کریمه یی اوقو ! تیم اعضاسنده خیر کبی یایشمش برشی بولنو
اوزینه مسح ایدلسه تیم جائز اولورمی ؟ تیمک سنتله
قاجدر ؟ سنت اوزره تیم ایت !

آبدسته، غسله، تیمه اقتدار ی اولمایان وایتدیرهک کیمسه

نماز قیلارکن صو بولنورسه نماز بوزولور ؛ آبدست آلا
یکیدن او نماز اعاده ایدیلیر .

جنب اولان کیمسه تیمله نماز قیلدقدن صو کرا صو بو
غسل ایدر ؛ نمازی اعاده ایتمز .

نمایان نہ یاپار؟ یوزینی تماماً نصل مسح ایدرسک؟ آبدستی
ان شیلر تیمی ده بوزارمی؟

نماز قیلارکن یاخود جنب اولان کیمسه تیمله نماز قیلدقدن
کره صو بولسه نه یاپار؟

آبدسته ، غسله ، تیمه نیتده فرق وارمیدر؟

نیت ایتمکسزین تیم ایدن نیچون نماز قیلاماز؟

۱۸ — مست اوزرینه مسح کیفیت

مست — طوپوقلرینه قدر اورتہ جک ، ایچنه صو
یه جک ، اون ایکی بیک آدیم یورو مکه طایا تاجق
آیاق قابیدر .

سرحدلک ، پوتین ، چزمه ، قالچین وسائرہ کبی
قابییہ مسح اولنور .

بوده : ایصلاق النک اوچ پارماغی ایله مستک بورنه
ق فرض ، وایصلاق پارماقلرینی آچوب الارک آیه سنی

طوقندور مقسزین مستلرک بوغازینه قدر بر کره چکمه
«سنت» در .

آیاقلرینی ییقامق فرضنک مست اوزرینه مسح ایتمک
ساقط اوله جفی «بهذا امرنی ربی» حدیث شریف
ایله ثابتدر .

۱۹ — مسح مدتی

مسحک مدتی : «مقیم» اولان کیمسه آبدسه
آلوب آیاقلرینی ییقادقن صوکره مستلرینی کینوب
ایلک آبدستی بوزولدیفی زماندن اعتباراً — یکریمی در
ساعت ظرفنده هر آبدست آدقجه مستلری اوزر
مسح ایدر .

مدت تمام اولدیغنده آبدستلی ایسه مستنی چیقارو
یالکنز آیاقلرینی ییقار .

«مسافر، اولان کیمسه نك مسیحی مدتی اوچ کون،
 اوچ کیجه در [۰].

آبدست آلدق دن صو کره مستلرینی کین قادی ن وارکک
 مسحک مدتی بیتنجه یه قدر مستلرینی چیقار مامق شرطدر.
 ایلک آبدست بوزولونجه یه قدر مستلرینی چیقاروب
 چیقار مامقده بآس یوقدر.

۲۰ — مسیحی بوزان شیرلر

آبدستی بوزان شیرلر مسیحی بوزه جفی جهته مدت
 چکمه مش ایسه یگیدن مسیح ایتک لازم کله جکی کبی

[*] مقیم — مملکتتنده اوطوران. یاخود آخر بر محله اون
 بش کون ویا دها زیاده طور منی نیت ایدن کیمسه در.

مسافر — قره ده اورتیه یورو مکه ، دکزده ملایم هوا ایله
 هر کون آلتی ساعت کیتک اوزره اوچ کونلک بریره کیدن
 کیمسه در.

بر کره اوزرینه مسح ویرلمش مستک آیاقدن چیمه سی
و مسح مدتک کچمه سی دخی مسیحی بوزار .

بوصورتله مستی آیاغندن چیقاردینی ویا مسح مدتی
کجدیکی زمان اگر او کیسه آبدستی بولونیور ایسه
یکیدن آبدست آلمه سی لازم کلز ، یالکیز آیاقلرینی ییقار ؛
تکرار مستنی آیاغنه کیر .

بر آیاغک مستی چیمه ویا مسحه مانع اوله جق قدر
ییرتیه ایکی آیاغی ده ییقامق اقتضا ایدر [*] .

مقیم: مستلرینی کیدکدن صو کره یکر می درت ساعت
کچمکسزین مسافر اولسه — ایلک آبدستی بوزولدیفندن

[۰] آیاق قابینک برنده — آیاغک کوچک پارماقلریله —
اوج پارماق قدر دلیک ، یرتیق بولنورسه آ گما مسح جائز
اولماز .

ایکی آیاق قابینک — برنده بر پارماق ، دیگرنده ایکی پارماق
— مجموعنده اوج پارماق قدر دلیک ، یرتیق بولنورسه آ گما
مسحده باس یوقدر .

اعتباراً — او مستلر اوزرينه ۷۲۰، ساعت مسح ايدر .
مسافر : مستلرينى كيدكدن صوكره مقيم اولمش
يسه — ايلك آبدستى بوزولديغندن اعتباراً — ۲۴۰
ساعت مسح ايدر .


ياده ، قيريق ، چيقيق صارغيلرينى چوزمكده —
اره وامثالنى صوووق ويا صيجاق صوايله ييقامقده —
حضرت ثابت اولورسه صارغى اوزرينه مسح ايديلير .
لكز صارغينك ياتكمياني وياخود قسم اعظمى مسح
يتمه ايدر .

بر آياغنده صارغى اولان اكامسح ايدر؛ او بر آياغنى ييقار.

۶ — وظيفه:

مست نصل آياق قابيدر؟ مست اوزرينه مسحك كيفيتى
سولمه! مسحده فرض وسنت اولان نهدر؟ آياقلىرى ييقامق
رضنك مست اوزرينه مسح ايتمكله ساقط اوله جنى نه ايله نابتدر؟
مقيم، مسافرك مسحى مدتى نه قدر در؟ مقيم و مسافر نه ديمكدر؟

مقیمک مسافر و مسافرك مقیم اولسی حقننده معلوماتك نه در
 مسیحی بوزان شیلری سویله ! هانکی آیاق قابییه مسح جائز
 اولماز ؟ بر آیانك مستی چیقسه و یا مسح مانع اولاجق قدو
 یرتیلسه نه یایمق اقتضا ایدر ؟ ایکی آیاق قاینك مجموعنده اولی
 پارماق دلیك ، یرتیق بولنورسه آکا مسح اولورمی ؟



۲۱ — نجاستك انواع واحكامی

نجاست حقیقیه — «غلیظه» و «خفیفه» اولق اوزور
 ایکی قسمدر .

نجاست غلیظه دخی ایکی قسمه آیریلیر .

بر قسمی بولاشدقلری محله تمامیله کورونمز :

اتی یینمه یین حیوانلرك بولی کبی . بونلره «نجاست
 غیر مرئی» دینور .

دیگر قسمی بولاشدقلری محله تمامیله کوره
 کورونورلر :

قان ونجس ايله اتى نجس حکمنده اولانلرک لى کى [*].

[*] انسانلرک ، کلبک ، يىرتىچى حيوانلرک ، اتى يىنمه يىن عموم حيوانلرک نجس وبولى — اتى يىنلرک نجسى — اتى يىنن حيوانلردن « تىسميه » سىز کسىلرک ويا اتى يىنمه يىن حيوانلرک و « مېته » نىک اتى — وختىرک اتى وجميع اجزاسى — وشراب نجاست غلظه در .

کلب ، آرسلان ، قورت ، فىل وامثالى کى دىشى ايله آو طوتان حيوانلرک « آرتىغى » ده نجاست غلظه حکمنده در .
طاوق ، قاز ، اوردک وامثالنىک نجاستلرى نجاست غلظه حکمنده در .

مى ، کوىش کتىرن حيوانلرک آغىزلرىنه کتىردکلىرى شى نجس حکمنده در .

على العموم (قى) مرداردر .

پىره ، سىيورى سىنىک وامثالى ايله بالق وسائر حيوانات بحرىه نىک قانى واتى — سرچه ، بىلدىرجىن ، کوکرجىن کى اتى يىنن قوشلرک تىسى — قاطر و مرکبک توکروکى تىزدىر .
اتى يىنير حيوانلردن کسىلمش ات اوزرنده اولوب آقىچى برحالده بولونمىان ويا طمارا يىچنده اولان قان تىزدىر . وجوددن آىرلمادقجه (شهيد) قانى ده اويله در .

اوزرنده ياغلىق اولماق شرطيله مردار حيواننىک مثلاً

بولنرہ نجاست مرئیہ، دینور [۰]

(تسمیہ سز کسین ویا اولو بولنان حیوانانک) میک، بونوز، دیش، طیرناق، سیکر، قیل وامثالی اجزاسی طاهر اولدینی کبی انسانک دخی قیلی، دیشی، کیکی طاهر در.

برکیمسه نجاست مانعه ایله نجاستمیش بر محل اوزرینه باصهرق، یاخود دیزنی قویارق ویا سجده ایدرک نماز قیلسه نمازی فاسد اولور. نجاستلی بریر اوزرنده قوندوره ایله نماز قیلماق جائز دکدر. فقط قوندوره یی آیاغندن چیقاروب اوزرینه باصهرق قیلماق جائز در. کذلک طہاننده نجس اولان قوندوره یی دخی آیاغندن چیقاروب اوزرینه باصهرق نماز قیلار. نماز قیلان کیمسه اوزرینه چوجق، کدی ویاخود اتی یینن بر حیوان چیقسه حیوانک اوزرنده نجس اولسه ده نمازی افساد ایتمز.

[۰] نجاست مرئیہ یی اثری کیدنجه یه قدر صوایله ییقامقله — نجاست غیر مرئیہ یی اوج دفعه ییقایهرق ممکن ایسه هر دفعه سنده صیقمقله — کچه کبی صیقیلہ مایان شیلری اوج دفعه ایصلا تهرق آصوب سرمکله ویا آقار صوده اون ایکی ساعت بر اقله، قوندوره کبی صوی اممین شیلر اوزرنده کی نجاست قورو ایسه اووالامق، یاش ایسه طوپراغه سورمکله — کاسه کبی شیلری اوج دفعه ییقایوب دوککله — جلالی ماده لری سیلمکله — اوزرنده نجس بولنان طوپراق قورویوب اثری کیتمکله تمیز اولور.

نجاست خفیفه — اتی یینن حیوانلرک واتی یینمه -
 ینلردن یالکیز آتک بولی ، اتی یینمه یین قوشلرک —
 بیر تیجی اولسون ، اولماسون — نجسی نجاست خفیفه در .
 سطحی یوز مربع آرشوندن آز اولان قویویه بر
 مقدار نجس ، یاخود آقچی قانه مالک بر قره حیوانی
 دوشوبده طاغلسه ویا تویی دوکواسه قویونک صوی
 کاملاً نجس اولور .

تکمیانی چیقارمق لازم کلیر . صاغ اولارق چیقارلسه
 آرتیغی طاهر ایسه صوده طاهر ، نجس ایسه نجسدر .

ایچنه طوز آتیلهرق سرکه کسیلن شراب کبی بعض شیلرده
 بر سبیدن طولانی طبیعتی بسبتون دکیشنجه تمیز اولور .
 آتشدن یانان ، ارین ، قاینایان شیلر دخی مقدا نجسلی
 اولسه ده طاهر اولور .

دری ، ایشکمه کبی شیلر (دباغت) اولوندیغی حالد
 تمیز اولور .

آرتيغى مكروه ايسه (۲۰)، (۳۰) قوغه، مشكوك ايسه
تكميل صو چيقاريلير .

صاغ اوله رق دوشوب اولوا اوله رق چيقاراسه آرتيغى
نجس ويا مشكوك ايسه تكميل صو مردار اولور .
ديكرلرندن قويون وامثالى ايچون تكميل صو ، قاز
وامثالى ايچون (۴۰) الى (۶۰) قوغه، سرچه جثه سنده .
كيلر ايچون (۲۰) الى (۳۰) قوغه چيقاريلير .

[قوغه: (۱۴۰۰) درهم صو استيعاب ايديه بيله جك
قابدر] .

آرتيقلر : آغزى تميز اولان انسانك و اتى ينيلىن
حيوانك آرتيغى و ترى تميزدر .

فاره طو تمايان كدينك، نجاست يين قويون وامثالنك،
كزييجى طاوغك ، او فاره سنك آرتيغى مكروه در .
مر كبلاه مر كبدن طوغان قاطرك آرتيغى مشكوك در .

ترلر : آرتیغنی تمیز ویا مکروه اولان حیوانک تری
تمیز ، آرتیغنی نجس اولانک — دیشی ایله آو طوتان
حیوانلرک — تری نجس ، آرتیغنی مشکوک اولانک
تری ده مشکوکدر .

۷ — وطیفه :

نجاست خفیفه و غلیظه قاج قسمدر ؟ نجاست غیر مرئی
و نجاست مرئی نه دیمکدر ؟ وهانکیلریدر ؟ نجاست غلیظه
و خفیفه بی سویله !

آرتیغنی نجاست غلیظه اولان حیوانلری آکلات ! ترسی ،
تری و توکروکی تمیز اولان حیوانلر هانکیلریدر ؟ نجاستلی
پریر اوزرنده قوندوره ایله نماز قیلنیرمی ؟ قان ، قی حقنده
ییلیورسک ؟

انسانک دیشی ، کیکی طاهر میدر ؟ سطحی یوز مربع
آشوندن آز اولان قویویه بر مقدار نجس یا خود آقچی قانه
ملاک بر قره حیوانی دوشوبده طاغله ویا تویی دوکله قویونک
صوینی نه صورتله تمیزه ملیدر ؟ سرچه وکلبک نجاستی خفیفه میدر ؟
آرتیق وترلر حقنده معلوماتک نه در ؟ نجاست مرئی و غیر
مرئی نه صورتله تمیزانور ؟

طبیعی بسبتون دکیشنجه تمیز اولان شیر نه دوه دیاتنه
ایله نه کی شیر تمیزلیر ؟ انسان دیشی برصویه دوشمه صو
مردار ایدرمی ؟



۳ — ستر عورت

ستر عورت: نماز قیله جق ارکک کوبکی آلتندن دیرلرینه
قدرا ولان یرلرینی، جاریه، اولان قادینک بو اعضا
برابر صرت، یان وقارنی [۰]، حره، اولان قادینک یوز
ایله النک ایچندن و آیاقلرندن ماعدا کافه بدنی اورتمک
دیمکدر [**].

[۰] جاریه نك دیگر طرفلری عورت محلندن معدود دکلر
[۰۰] حره نك اعضای مزبورده سی ضرورته مبنی است
ایدلیدکندن صاحب لری کورونیمه جک قدر یوزی آجین
والدیونسز چورابسنر ناز قیلیمه سی صحیحدر .

قادینلرک صاحی عورت اولدیغندن ستری لازمدر .
چپلاق اولارق — ولو قارا کللق ویا تنهار یرده اولسون —
نماز قیلیمق جائز اولماز .

قدرتی اولدینی حالدہ کوزجلہ اثواب ایلہ نماز قیلہ الیدر۔
نمازده ایکن اورتولوبولونمہ سی لازم اولان اعضادن

جلدک رنکی آلتندن سچیلہ جک درجہ ده تول کبی اینجه
البسه ایلہ ستر عورت ایدیلہ مز۔

ستر عورت یالکز نمازہ مخصوص بر فرض اولمایوب هر
زمان و هرکس ایچون بوکا رعایت دینمک اوامر قطعیه واسا۔
سیه سندندر۔ شرع شریفک جواز ویردیکی دائره دن فضله محملرینه
باقان و بو عضولرینی ستر ایتیهوب کوسترن کیمسه لک لغت
آیهیه دوچار اولاجقلری محققدر۔

ارکک ارککک ، قادین قادینک عورت محملرینه نظرایتمک
محرمات قطعیه دن اولوب دیگر اعضاسنه باقاسنده باس یوقدر۔
(فقط مسلمہ بر قادینک نسوان غیر مسلمہ دن برارکک ایش
کبی احتراز ایتیه سی لازمه دندر)۔

برارکک محارمندن اولوب کندیسنه اصلا نکاح جائز
اولمایان قادینک کوبکی آلتندن دیزلرینک آلتنه قدر اولان
محملری مستثنا اولق اوزره اعضای سائر سنه باقاسی جائز
اولدینی کبی آلتنه جق جاریهیه و نکاح قصدیلہ بر قادینه برکوه
باققده جائزدر۔

برینک ربع ویا دہا زیادہ سی مقداری صنعی اولقسزین
اوج کرہ «سبحان الله» دیہ جک، قدر آچیلہ نمازی فاسد
اولور .

صنعی اولورسہ درحال نماز بوزولور .

« خذُوا زِينَتَكُمْ عِنْدَ كُلِّ مَسْجِدٍ » آیت جلیلہ سی
ستر عورتک فرضیتہ دلیلدر .

۴ — استقبال قبلہ

استقبال قبلہ: کعبۂ مکرمہ قارشیسندہ اولان کیمسہ نک
عین کعبہ یہ [*] و کعبۂ مکرمہ قارشیسندہ اولمایار

[*] مکہ مکرمہ دہ واقع قبلۂ مسلمین اولان بیت معض
وکعبۂ محترم ابتدا ملائکہ کرام واسطہ سیلہ بنا بیورلمش ومتعاق
حضرت آدم و حضرت شیث و دردنچی دفعہ اولہرق حضر
ابراہیم خلیل الله تجدید ایتشلر در .

كېمىسەنك كەبەنك اولدىنى طرفە يوزىنى چویرمهسى
يېمكدر[*].

(حجرالاسود) ايله (مقام ابراهيم) اولان حېجرك ايكىسى
چىقىدىن چىقىمش و ابوالبشر ايله بىرلىكده روى زمينه اينىشدر .
(بىرزمزم) جېرىل امين واسطه سىله ميدانه چىقارلمشدر .
حضرت ابراهيم عليه السلام (بيت خدا) نى و انبىاي بنى اسرائيل
عليهم السلام (مسجد اقصا) نى قبله اتخاذايتمىشدر .
حضرت ابراهيم عليه السلام — انبىاي اولى العزمك
كېنىجىسى و فخر عالم افندىمىز حضرت تىلرندىن سوكره جمىع انبىاي
يشانك افضلدر .

مسواك قوللانق ، طيرناق كىمك ، و مسافر لره فوق العاده
كرام ايتك ابراهيم عليه السلامك — افعال حسنه و — سنت
نپهلرندىر .

[*] زمان بعثت سنىده فخر عالم صلى الله عليه وسلم
ندىمىز حضرت تىلرى (مسجد اقصا) نى متوجهاً اداى صلات
دولر ايدى .

هجرت سنىه نك ايكىنجى سنه سنده امت محمد عليه الصلوة
لسلامك قبلهسى كعبه معظمه اولدى .

قبله نك نه طرفده اولديغنى بيله مەين، سؤال ايده جك
 كيمسه بولاميان عقلنك كسديكى طرفه يوزىنى چويرير
 نمازده ايكن ياكلش طورديغنى آكلان عقلنك
 كسديكى طرفه دونر؛
 نمازى بوزولماز.

استقبال قبله نك فرضيتنه ، فولوا وجوهكم شطره
 آيت كريمه سى دليلدر .

۵ — وقت

وقت : فرض نمازلى تعين اولونان وقتده قيلد
 ديمكدر .

نمازك اداسنده صحت اوله بيلمك ايچون او نماز
 وقتى كيرمش اولق شرطدر .

نمازك وقتلى : صباح ، اوكله ، ايكندى ، اخشام ،
ياتسو اولمق اوزره بش وقتدر [*].

۱ — صباح نمازی — فجر صادق ، [**] ك طلوعندن
يعنى كوك يوزينك اطرافى آچيلدقن كونشك طوغمه .
سنه قدر اولان وقتدر .

۲ — اوكله نمازی — شمسك نصف النهاره كلديكى
زماندن باشلار وهر شيك كوله كسى — زوال زمانده كى

[*] نمازك بش وقت اولدينى شو آيت كريمه لرله اثبات
اولونمشدر :

«فَسُبْحَانَ اللَّهِ حِينَ تُمْسُونَ وَحِينَ تُصْبِحُونَ وَلَهُ الْحَمْدُ فِي السَّمَوَاتِ
وَالْأَرْضِ وَعَشِيًّا وَحِينَ تُظْهِرُونَ» آيتنده آقشام ، ياتسو ،
صبح ، اوكله مندرج ومصرح اولوب ايكندى نمازی دخى
«حَافِظُوا عَلَى الصَّلَوَاتِ وَالصَّلَاةِ الْوُسْطَى» نظم جيلينده داخلدر .

[**] افق ، هر طرفدن بر دائره شكلنده اگليلكنه
آيدينلامغه باشلاديني وقتدر .

کولکه سندن غیری — کند یسنک ایکی مثلنه بالغ اولونجه یه
قدر امتداد ایدر [*].

۳ — ایکندی نمازی — اوکله نمازینک وقتی
نهایت بولدیغی زماندن اعتباراً کونشک غیبوتنه قدردر.
۴ — آقشام نمازی — کونشک غروبندن بیاضاق
غائب اولونجه یه قدردر.

۵ — یاتسو نمازی — امام اعظم، کوره بیاضاق
غائب اولدقدن صباح نمازینک وقتی کیرینجه یه قدردر [**].

[*] جمعه کونلری اوکله یرینه ارککلر جمعه نمازی قیلار.
[**] وقت کیرمینجه نماز فرض اولماز.
بش وقت نماز: حضرت محمدک امتنه مخصوص جناب اللهک
بر لطف آلهیسیدر.

بش وقتده اوزریمزه فرض اولان نماز عبادات سائر نک
افضلیدر.

نمازی مقبول اولان کیمسه نک عندآهیده اعمال صالحه
سائر سیده مقبولدر. قیامت کوننده بتون اعمال و افعالزدن
اول محاسبه سی کوريله جک نمازدر.

قادینلرہ «مستحب، اولان هر وقتك نمازینی اذان
وقونوب ارککار جماعتله ادای صلات ایتد کدن صوکره
قیلمقدرد. یالکز صباح نمازینی آنلر ارککار جماعتك
فراغنه انتظار ایتیهرك قیلارلر. دخی دینلمشدر.

«ان الصَّلاةَ کانتَ عَلَی الْمُؤْمِنِیْنَ کِتَابًا مَّوقُوتًا، آیت
کریمه سی وقتك فرضیتنه دلیلدر.

وقتی چیققددن صوکره قیلنان نماز (ادا) ایدلمش
اولماز، [۱] بلکه قضا ایدلمش اولور [۲].

نماز : ارکان اسلامك اهم واقواسی، مؤمنلرك باعث فلاح
ونجاتیدر، آنی تأخیره هیچ برشی سبب اولماز.

پیغمبر آخر الزمان افندمز حضر تلرینك معجزات باهره لرندن
اولان (معراج) ده مسلمانلره بش وقت نماز قرض اولدی.

[۱] وقتی دخول ایتمکسزین قیلنان نماز «نوافل» دن اولور.

[۲] نماز بورجی توبه وسائر حسنات ایله ساقط اولماز.
آنحقوق قضا ایله ساقط اولور.

۲۰ — بش وقت نمازك ركعتلى [*]

صبح نمازی — درت ركعت اولوب ايكيپي «سنت

[*] بش وقت نمازدن بشقه نمازلر :

جمعه كوني اوكله وقتنده اون آلتى ركعت (جمعه) نمازی ،
رمضان وقربان بايرامنده كونس طوغدقدن يارم ساعت
صكره ايكي ركعت (بايرام) نمازی .
[بو نمازلرى قادينلر قيلماز] .

رمضان شريف كيجه لرنده ياتسو نمازينك صوك سئنددن
صوكره ، وتر نمازدن اول يكرمى ركعت (تراويح) نمازی .
برمسلمان وفات ايتديكى وقت قبره قونمعدن اول آك
قارشى قيلنان (جنازه) نمازی .

بيت شريفى طواف ايدن كيمسه نك قيله جنفى ايكي ركعت
(طواف) نمازی وسائر اولوب بونلر بحث مخصوصنده بيار
اولونه جقدر .

موء کده، [۱]، ايکيسي «فرض» در [۲].

اوکله نمازی — اون رکعت اولوب دردی «سنت

موء کده»، دردی «فرض»، ايکيسي «سنت» موء کده، در [۳].

ايکندی نمازی — سکر رکعت اولوب دردی

«سنت غير موء کده، [۴]، دردی «فرض» در [۵].

[۱] صباح نمازينك سنتنك غيري سنت مؤكده لر فرضدن
صوكره قضا ايديلير .

[۲] صباح نمازيني اورتلق ايجه آغاردقندن صوكره قيلمق
«مستحب» در .

[۳] اوکله نمازيني يازين وقتك اولنده وقيشين آخرنده
قيلمق «مستحب» در .

[۴] سنت غير مؤكده لر فرضدن صوكره قضا ايدلر .
سنت غير مؤكده لر ك قعدۀ اولاسنده (تحيات) و (صلوات)
او قوتوب اوچنچي ركهتنده (سبحانك) دن باشلانير .

[۵] ايکندی نمازيني قرص شمسه کوز قاشمق سزین باقه -
ييه چك زماندن براز اول قيلمق مستحبدر .

آقشام نمازی — بش رکعت اولوب اوچی «فرض» ،
ایکیسی «سنت مؤکده» در [۱] .

یاتسو نمازی — اون اوچ رکعت اولوب دردی
«سنت غیر مؤکده» ، دردی «فرض» ، ایکیسی «سنت
مؤکده» ، اوچی واجب اولان «وتر» ، نمازیدر [۲] .

[۱] آقشام نمازینی غروب شمسی متعاقب بر آن اول قیلحق
«مستحب» در .

[۲] یاتسو نمازینی ثلث لیلمک ماقبلنه تاخیر ایتک ، وتر
نمازینی ده کیجه نک آخرینه یعنی فجر صادق ماقبلنه کچیکدیر مک
«مستحب» در .

وتر نمازینک اوچنجی رکعتنده بسمله ، سورة فاتحه ، ضم
سوره دن صوکره «قنوت تکبیری» ، آلموب «قنوت دعایی»
اوقونور :

اللَّهُمَّ اِنَّا نَسْتَغْفِرُكَ وَنَسْتَغْفِرُكَ وَنَسْتَغْفِرُكَ وَنَسْتَغْفِرُكَ وَنَسْتَغْفِرُكَ
وَنَتُوبُ اِلَيْكَ وَنَتَوَكَّلُ عَلَيْكَ وَنُثْنِي عَلَيْكَ الْخَيْرَ كُلَّهُ لَشُكْرِكَ
وَلَا نَكْفُرُكَ وَنَخْلَعُ وَنَتْرِكَ مَنْ يَفْجُرُكَ .

بش وقتہ (۱۲) رکعت « سنت مؤکدہ » ، (۸) رکعت « سنت غیر مؤکدہ » ، (۱۷) رکعت « فرض » ، (۳) رکعت — عملاً فرض ، اعتقاداً — « واجب » ، اولیٰ اوزرہ (۴۰) رکعت نماز قیلنور .



۲۲ — اوقات مکروہہ

اوقات مکروہہ : کونش طوغار کن ، نصف النہار دہ ایکن ویا غروب ایدر کن نماز قیلنق وسجدۂ تلاوت ایتمک کراہت تحریمیہ ایلہ مکروہدر [*] .

« اللَّهُمَّ أَيَاكَ نَعْبُدُ وَلَكَ نُصَلِّي وَنَسْجُدُ وَإِلَيْكَ نَسْتَعِيذُ وَنُخَفِّدُ رَجَوْنَا رَحْمَتَكَ وَنَخْشَىٰ عَذَابَكَ إِنَّ عَذَابَكَ بِالْكَافِرِ مُلْحِقٌ » .

قنوت تکبیری ، قنوت دعائی واجبدر .

[*] وقت مکروہہ قرائت ایدلمش اولان آیت سجدہنک سجدۂ تلاوتنی وقت مکروہہ ادا جائز ، غیر مکروہ وقتہ

نافلہ نمازی (سنت) قیلمق جائز اولیان وقتلریدر:

۱ — فجر صادق طلو غندن صو کره صباح نمازینک

سنتندن بشقه نافلہ قیلمق .

۲ — صباح نمازینک فرضندن صو کره کونشک

طلوغنه قدر .

۳ — ایکندی نمازندن صو کره کونشک غروبنه

قدر [*] .

۴ — غروب شمسندن صو کره و آقشام نمازندن

اول .

۵ — جمعه و بایرام کونی خطبه او قونورکن .

۶ — بایرام نمازندن اول .

تلاوت اولنان آیت سجده نك سجده تلاوتی مکروه وقتد

ادا جائز دکلدیر .

[*] ایکندی نمازی کیکمش اولسه — قضایه قالماق

ایچون — کونش غروب ایدرکن قیلمق صحیحدر .

۷ — جمعه كوني جمعه نمازينه قامت ايدلدكدن
صوكره وجمعه نمازينك ختامندن اول .
بو يدي وقتده قضا نمازي ، جنازه نمازي قيلمق
وسجده تلاوتي ادا ايلك — مكروه اولقله برابر —
جائزدر .

۸ — وظيفه :

ستر عورت نه ديمكدر؟ جاريه و حرمك اورتولو بولونمسي
لازم اولان محلى سويله ! قادينك صاحبي عورتميدر؟
اورتولو محملارنده داخل اولان برعضوك نه قدرى آچيلسه
نماز فاسد اولور؟ تول كبي اينجه البسه ايله ستر عورت اولورمي؟
ستر غورت يالكز نمازه مخصوص برفرضميدر؟ براركك
كنديسنه اصلا نكاح جائز اولميان برفادينك نرمه لرينه باقه بيلير؟
ستر عورتك فرضيتنه دليل اولان آيت جليله يي اوقو !
استقبال قبله نه ديمكدر؟ كعبه حقنده معلوماتكي سويله!
بيت خدا ومسجد اقصايي كيملر قبله اتخاذايتمشلردر؟
حضرت ابراهيم حقنده معلوماتك نه در؟ طرئق كسمك نه در؟

قبله نك نه طرفده اولديغى بيلمهين ، نمازده ايكن ياكلش
طورديغى آكلايان نه ياپار ؟

استقبال قبله نك فرضيتنى آمر اولان آتى اوغو ! فخر
هالم افندمن مسجد اقصايه متوجهاً اداى صلات ايتديلرمى ؟
امت محمدك قبلهسى نه وقت كعبه اولدى ؟

وقت نه ديمكدر ؟ نمازك بش وقت اولديغى هانكى آيت
كريمه لوله ثابتدر ؟ نماز ايچون تعيين اولنان وقتلى سويله !
وقتك فرضيتنه دليل اولان آتى اوغو ! نماز نه در ؟ مسلمانلره
بش وقت نماز نه زمان فرض اولدى ؟

وقت چيقدقن صوكره قيلنان نماز نه اولور ؟ بش وقت
نمازك ركعتلىنى صاى ! نماز بورجى توبه ايله ساقط اولورمى ؟
بش وقتده قيلديغمن نمازدن بشقه نمازلى سويله ! سنت
مؤكده وغير مؤكده نه ديمكدر ؟

سنت غير مؤكده لرك قعدۀ اولاسنده و اوچنچى ركعتنده
نه اوگونور ؟ وتر نمازنى قيل ؛ قنوت دعاسى اوغو ! قنوت
تكبيرى وقنوت دعاسى اوقومق نه در ؟ آقشام نمازنى غروب
شمسى متعاقب برآن اول قيلمق نه در ؟

هر وقت نمازنى قادينلر ايچون نه وقت قيلمق «مستحب» در.
بش وقتده قاچ ركعت فرض ، واجب ، سنت مؤكده وغير
مؤكده قيلنير ؟

نماز قیلمق جائز اولیان وقتلرله « نافله » قیلمق جائز اولیان
هی وقتی صای !

وقت مکروهده قرائت ایدلمش اولان آیت سـجده نك
سجده تلاوتنی وقت مکروهده ادا جائز میدر ؟

کونش طوغارکن ، نصف النهارده ایکن ویا غروب ایدرکن
نماز قیلنیرمی ؟

ایکندی نمازی کجیکمش اولسه کونش غروب ایدرکن
قیلمق صحیح میدر ؟

۲۳ — اذان واقامت

قادینلره (اذان ، اقامت) مکروه اولوب ارککلره
هی وقت نماز ایله جمعه نمازی ایچون اذان واقامت
وقومق سنت مؤکده در [*] .

[*] سائر نمازلر ایچون اذان اوقومناز .

اذان: نماز وقتی اعلان ایچون فیخر عالم صلی الله علیه وسلم
تقدمر حضرت تهرینک جانب عالیسندن (بلال حبشی) رضی
الله عنه تعلیم بیوریلوب خارج مسـجده اوقومه سنی فرمان

اذان واقامت یا لکڑ فرض نماز لڑک ادا ویا قضا سندنہ
لازمدر .

وقتندن اول اوقونان اذان اعاده ایدیلور [۱] .

بیوردیغندن حضرت بلال یوکسک بر محله چیقوب اوقات صلاتده
ندا ایدردی .

حضرت بلالک استیذانی اوزرینه صباح نماز لرنده « الصلاة
خیر من النوم » یعنی « نماز او یقودن خیر لیدر . » جمله سنک
علاوه سی قرین قبول بیوریلوب جمله « من بوره نك » حی علی الفلاح « دن
صوکره ذکر ی . مشارالیه امن اولونمشدر . هجرتك الله
طقوزنجی سنه سندنه مصرده — اولجه انشا ایدیلن جمعه
شریفه — بر مناره یاپدیریلوب آنک شرفه سندنه اذان اوقوتغا
باشلامشدر .

بو صورت کیتدکجه تعمم ایدهرک بالمله ممالک اسلامیہ
هرجامع وا کثر مسجدہ برر ، ایکیشر ، اوچر ، دردر ویا لکڑ
استانبولده سلطان احمد جامعندنه آلتی مناره یاپیلمشدر . بو
برر ، ایکیشر ، اوچر شرفه لیدر .

[۱] صبی غیر مراعتک ، سرخوشک ، جنب کیمس .
اوقودینی اذان اعاده ایدیلیر .

سنت اوزره نصل اذان او قونور ؟

قبله یه متوجه اولدقلری حالد — پارماقلرینی قولاقلرینه
قویهرق — نغمه یایمقسزین و بعض کلمه لرده دها آز ویا
دها چوق باغیر مق کبی برفرق کوزتمکسزین آغیر آغیر:

الله اکبر ، الله اکبر ؛ الله اکبر ، الله اکبر

اشهد ان لا اله الا الله ، اشهد ان لا اله الا الله

اشهد ان محمداً رسول الله ، اشهد ان محمداً رسول الله

یوزونی صاغه دوندوروب :

حیَّ علی الصَّلَاة ، حیَّ علی الصَّلَاة

یوزونی صوله دوندوروب :

حی علی الفلاح ، حی علی الفلاح

کو کسنی قبلہ یہ دوندوروب :

اللہ اکبر ، اللہ اکبر ، لا الہ الا اللہ [*] .

دیمکله اذان او قومش اولورلر [**] .

[*] ترجمہ سی : اللہ ذوالجلال حضرت تری غایت بیو کدر جناب اللہدن غیری معبود بالحق اولمدیغنی تصدیق ایدہرم محمد علیہ السلامک اللہک رسولی اولدیغنهده شہادت ایدہرم کلک نمازہ . نجاتہ کلک داخل اولک .

[**] اذان واقامت ایشیدن کیمسہ مؤذنک دیدیکی شیرلر دیمہ سی سنتدر . بوکا « اجابت » دینیر .

بالکنز حی علی الصلاة ، حی علی الفلاح جملہ لری او قونورکر « لا حول ولا قوۃ الا باللہ » یعنی « اللہدن بشقہ بلا ومصیبتہ رد ایدیجی ہیج بر قوت یوقدر » ویا « ماشاء اللہ خیر » دیوب نماز ایچون جناب حقدن قوت وعنایت طلب ایتک آدابنددر صباح اذانندہ « الصلاة خیر من النوم » دنیلدیکی زمار « صدقت وبررت » — یعنی « سن سوزندہ صادق و کرچک اولدک » — دیمہ لیدر .

اذانک تمام اولماسنی متعاقب مؤذن وایشیدنلر بو دعا ای او قومالیدر :

اقامت دخی اذانک عینی اولوب یالکز « حی علی الفلاح ، دن صوکره ایکی دفعه » قدقامت الصلاة ، دینلیر [*].

اذانی آغیر آغیر اوقومق لازم اولدینی کبی اقامت العکس سرعتله اوقونور .

« اللَّهُمَّ رَبَّ هَذِهِ الدَّعْوَةِ التَّامَّةِ وَالصَّلَاةِ الْقَائِمَةِ آتِ مُحَمَّدًا الْوَسِيلَةَ وَالْفَضِيلَةَ وَالدرَجَةَ الرَّفِيعَةَ وَأَبْعَثْهُ الْمَقَامَ الْمَحْمُودَ الَّذِي وَعَدْتُهُ إِنَّكَ لَا تُخْلِفُ الْمِيعَادَ » .

درس اوقویوب اوقوتمغله مشغول اولان کیمسه لر ، دفع حاجت کبی برسبدن طولای « مکشوف العورة » اولانلر اذانه اجابت ایتزلر .

[*] مؤذن قدقامت الصلاة دیدکده « اقامها الله وادامها » یعنی « جناب حق نمازی قائم ودائم ایتسین ، دیمه لی وامام یرینه مطلوب حاضر لائمش ایسه بوجهلنک قرائتنی متعاقب نمازه نالقمالیدر .

۶ — نیت

نیت : هانكى وقتك نمازى قيلنه جق ايسه قليله —
 ديل ايله سويلك مستجبدر — او نمازك سنت وياخود
 فرضنى قصد ايتك ديمكدر [*].

نصل نيت ايدرسك ؟

• نيت ايتدم بو (صبح) نمازينك سنتنى ، وياخود
 • نيت ايتدم بو (وقتك) فرض اولان نمازىنى ، قيلمغا
 ديمكله نيت ايدر و نيتى متعاقب افتتاح تكبيرىنى
 سويلرم [*].

[*] بركىمسه بلا نية اعمال صلاحى ايفا ايتسه نماز قيلمشر
 اولماز .

[**] امام ايله قيلنه جق نماز ايجون نيتى متعاقب • اويد
 شو امامه • ديمه ليدر .

امام اوله جق ذاتك كنديسنه (ذكور) دن اقتدا ايده جكلر
 امامتى نيت ايتمه سنه حاجت يوقسه ده (اناث) دن اقتدا ايده جكلر
 امامتى نيت ايتمه مى لازمدر .

نيتك فرضيتي: «وما امر والاي عبد والله مخلصين له الدين»
نظم جليليله ثابتدر.

۷ — تحريمه = افتتاح تكيرى

تحريمه = افتتاح تكيرى : نمازه باشلامق تكيرى
ديمكدر كه اوده الله تعالى حضر تلىنه تعظيم افاده ايدن
«الله اكبر» لفظنى سويلدكدر [*].

بوده : (انا امام لمن تبعنى) — اقتدا ايدنلره امامته نيت
ايتدم — ديمكدر .

امام اوله جق كيمسه نك اركك اولمه سى، نمازك صحت وفسادينه
واقف بولونمه سى، قرآن عظيم الشانى تجويد اوزره اوقويانلردن
اولمه سى لازمدر .

[*] تكبيرده لفظه جلالك «همزه» سنى، اكبر لفظك
«ب» سنى مد ايدوب اوزاتمق غير جائزدر .

الله اكبر يرينه «الله اجل — الله اعظم — الرحمن اكبر
— سبحان الله — لا اله الا الله» كى تكبيرات، تسبيحات وتهليلاتدن

افتتاح تکبیرینی نصل یاپارسک ؟

الرمی — یگلرمدن چیقارمایوب — قبلہ یہ قارشى

آچہرق پارماقلم حال طبعیسندہ اولدیغى حالده اوموزلرمک

برابرینه قدر قالدیریر، باشمى اکیه رک «الله اکبر»

دیملکه افتتاح تکبیرینی یاپارم [*].

افتتاح تکبیری «و ذکر اسم ربہ فصلی» آیت جلیله

سیله ثابتدر .

۹ — وظیفه :

اذان واقامت نه در، وهانکی نمازلره مخصوصدر ؟ اذان

برینی قوللانق وحتی عجمجه «خدا بزرکست» دیمک جائز
ایسه ده افضل اولان الله اکبر دیمکدر .

امامک جهراً تکبیر آلمه سی و امامه اویان کیمسه نک آنی
متعاقب سرأ تکبیر اتمه سی «سنت» در .

[*] افتتاح تکبیرنده الرمی قالدیرمق «سنت»؛ الله اکبر دیمک

«فرض» در .

نہ ایچون وضع اولونمش وفخر عالم افندمر اذانی کیمہ تعلیم
بیورمشدر؟ سنت اوزره نصل اذان او قونور؟ اذانک ترکجہ سنی
سویله ! اجابت نہ دیمکدر؟ کیملر اجابت ایتمز؟ اذانی متعاقب
مؤذن وایشیدنلر هانکی دعای او قویہ جق؟ اقامت نصل او قونور؟
نیت نہ دیمکدر؟ نیتده فرض اولان نہدر؟ برکیمسه نیت
ایتمهرک نماز قیلسه او نماز صحیح اولورمی؟

نصل نیت ایدرسک؟ نیتک فرضیتنی آمر اولان آیت
جلیلہ یی او قو! امام ایله قیلنه جق نماز ایچون نہ دیمه لیدر؟
امام انانندن اقتدا ایدہ جکدر ایچون نصل نیت ایدر؟ افتتاح
تکبیری نہ دیمکدر؟ افتتاح تکبیرینی نصل یاپارسک؟ تکبیرده
افضل وجائز اولان نہدر؟ افتتاح تکبیرینک فرضیتنه دلیل اولان
آیتی او قو! افتتاح تکبیری ایچون اللرینی قالدیرمق، نہدر؟
افتتاح تکبیرنده فرض وسنت اولان نہدر؟

۲۴ — نمازک رکنلری

نمازک رکنلری بشدر :

۱ — قیام

۲ — قرائت

۳ — رکوع

۴ — سجود

۵ — قعدۀ اخیرہ

۱ — قیام

قیام : نماز قیلان کیمسه قدرتی اولدینی حالده آیاق
اوزره طور مق دیمکدر .

بش وقت نمازک فرضلرنده «وتر» و «نذر» و «صبح»
نمازینک سنتنده قیام فرضدر [*] .

قیامده نصل طور ورساک ؟

[*] قیامده طورمغه قدرتی اولمایان اوطوره رق ، رکوع
وسجوددن عاجز اولان (ایما) ایله قیلار .

ایما : اوطوردینی حالده رکوعه براز اکیلمک وسجوده
آندن زیاده اکیلمکله اولور .

اوطورمغه قدرتی اولمایانک یاتدینی حالده ایما ایله ادای صلاۃ
ایتمه سنه مساعد شرعیه واردر . نافله نمازلرده قیام فرض دککدر .

افتتاح تکبیرینی متعاقب ضاع الیمک آیہ سنی صول الملک
 باوزرینہ کتیروب کو کسمک اوزرینہ قویارم .
 وجودی ممکن مرتبہ عمودی وضعیئہ طوتارم .
 آیاتلمی قبلہ یہ قارشی چویروب آرالرینی درت پارماق
 آچار ؛ سجده ایدہ جکم یرہ باقہ رق طورورم [۵] .
 قیامک فرضیتنہ ، وقوموا لله قانتین ، آیت کریمہ سی
 دلیدر .

۲ — قرائت

قرائت: کندی ایشیدہ جک قدر دلیله حرفلری یرلی
 یرتجه چیقارته رق قیلنان نماز ، فرض ، ایسه اولکی ایکی
 رکعتده ، نافله ، و «وتر» ایسه هر رکعتده براوزون

[۵] قیامده سجده ایدہ جکم یرہ باقیق «مستحب» در .

آیت ، یاخود اوچ قیصه آیت مقداری قرآن او قومق
دیمکدر [*].

قیامده نه او قورساک ؟

افتتاح تکبیرینی متعاقب :

سُبْحَانَكَ اللَّهُمَّ وَبِحَمْدِكَ وَتَبَارَكَ اسْمُكَ وَتَعَالَى جَدُّكَ
(وَجَلَّ ثَنَاؤُكَ) وَلَا إِلَهَ غَيْرُكَ ، [**].

[*] نماز قیلیمغه بورجلو اولان هر مسلمانان بر آیت از برله مک
«فرض»، سورة فاتحه و بشقه بر سوره از برله مک «واجب» دو -
نمازده قرآن کریمدن شو سورة شریفه ویا شو آیت تلاوت
اولونسون دیو تعیین قیلنمیوب متیسر اولانک او قومغسی
بیورلمشدر .

برکله ویا بر حرفدن عبارت اولان آتی او قومق فرض
کفایت ایتمز .

[**] ترجمه سی : « یاربى سنى نقصان صفتلردن تنزیه
صفتلریله تسبیح ایدهرم . حقمده کی نعمتلیرکله ، عنایتلیرکله
حمد وشکر ایله دیلمی زینتلهرم ، اسم جلالک مبارک وصالی

اعوذ وبسمله، سورۃ فاتحہ وضم سورہ او قورم[*]

ایکنجی رکعتہ بسمله، سورۃ فاتحہ :

الحمد لله رب العالمين . الرحمن الرحيم . مالك يوم الدين .
اياك نعبد و اياك نستعين . اهدنا الصراط المستقيم . صراط
الذين انعمت عليهم غير المغضوب عليهم ولا الضالين . آمين .

حضرت وعظمتك هر شیدن متعالیدر . سندن بشقه معبود بالحق
یوقدر . برسك انتهى .

(وجل ثناؤك) لفظی جنازہ نمازندہ او قونور .

سبحانك ايله اعوذ وبسمله یی كرك امام ومقتدی كرك
متفرد دائما سراً او قورلر .

امامہ او یان کیمسه یالکیز «سبحانك» او قور؛ «اعوذ» او قوماز .
امام قرائت ایدر کن کمال سکوت ودقت ایلہ دیکلر .
جماعتہ ایللہ . رکعتہ یتیشہ مه یوب صو کرہ دن یتیشن کیمسه
بتیشہ مدیکی رکعتی قضا ایتدیکی زمان «اعوذ» او قور .

[.] سبحانك اعوذ وبسمله او قومق وفاتحہ دن صو کرہ
(آمین) دیمك «سنت»، فاتحہ وضم سورہ او قومق «واجب» در .
فاتحہ ایلہ ضم سورہ آرہ سندہ بسمله او قومناز .

ضم سوره [*].

اوچنجي رڪعتده - فرض نماز ايسه - بسمله، سوره فاتحه، فرضك غيري نماز ايسه ضم سوردهده او قورم .
[ارڪكاره او كاهه وايڪندي نمازلرنده سس سزاو قومق واجب اولديغني كبي كيجه نمازلريله جمعه، بايرام، تراويح و تراويحدن صوكره قيلان وتر نمازلرنده امام اولان كي ميه نك سس ايله او قومه سي واجيدر].
امام جهراً قرائت ايتديكي حالده جماعتك ديگله مه سي وسراً او قودينغي تقديرده جماعتك صوصمه سي قرائت يرينه چكر .

سكوت ايمه يوب او قومق كراهت تحريمه ايله مكر وهدر .

[۰] صباح نمازينك ايلك رڪعتك قرائتنى ايكنجى رڪعتدر زياده اوزاتمق «سنت» در .

بالعموم نمازلرده ايكنجى رڪعتك ضم سورده سي برنجو رڪعتده كي ضم سوردهدن اوچ آيت مقداري ويا دهها زياده اوزور اوله سي «مكروه» عد ايدلمشدر .

« فَاَقْرَأْ مَا تَسْرَ مِنْ الْقُرْآنِ » آیت کریمه سی قرائتک
فرضیتنه دیلدر .

۳ — رکوع

رکوع : قیامده او قومق بیتد کدن صو کره ایکی النی
یاننه صالیویروب — الله اکبر — دیه رک اکیلک دیمکدر .
نصل رکوع ایدرسک ؟

اللمک پارماقلرینی آچایوب دیزلر مدن آز یوقاری
قویار ؛ باجاقلرمی دوز طوتمایه رق دیزلرمی براز اکر ،
آرقه می دوز ایتمه یوب میلی طور وروم . قولتوقلرمی صیقار ،
باشمی اکر یجه ایدهر ، طوپوقلرمی بربرینه یاپشدریر ،
ایاقلر مه باقارم ؛ اوچ کره « سُبْحَانَ رَبِّيَ الْعَظِيمِ » [۱]
دیمکله رکوع ایدهرم .

[۱] ترکجه سی : عظیم اولان رب می تنزیه و تقدیس ایدهرم .

رکوعدن «سَمِعَ اللّٰهُ لِمَنْ حَمِدَهُ» [۱]، دیہ رک تمامیلہ طوغر ولور؛
 آیاقلرمی درت پارماق قدر آچوب «سبحان الله»، دیہ جک قدر
 طور ورم؛ «رَبَّنَا لَكَ الْحَمْدُ» [۲]، دید کدن صو کرہ سجده یه
 اینہرم [۳]۔

[۱] ترجمہ سی : جناب حق نعم الہیہ سنہ بناء حمدایدہ نلرک
 حمدینی قبول ایدر ۔

[۲] ترجمہ سی : ہر نعمتک صاحب وواہی اولان ربم ۔
 حمد وشکر سکا مخصوصدر ۔

[۳] رکوعہ اینرکن «الله اکبر» دیمک، اوچ کرہ «سبحان
 ربی العظیم» اوقومق، طوغر ولورکن «سَمِعَ اللّٰهُ لِمَنْ حَمِدَهُ» دیمک
 «سنت» در ۔

رکوعده «سبحان الله» دیہ جک قدر طوغری طور مق
 «واجب» اولوب «رَبَّنَا لَكَ الْحَمْدُ» دیمک «سنت» در۔ (جماعتلہ
 نماز قیلندیغی زمان امام یالکیز رکوعدن قاتقارکن «سَمِعَ اللّٰهُ
 لِمَنْ حَمِدَهُ» دیر؛ جماعتده آنجق «رَبَّنَا لَكَ الْحَمْدُ» دیرلر)۔
 رکوعہ اینرکن آیاقلرمی قاوشدورور، رکوعدن طوغر ولورکن
 آچار ورکوعده آیاقلرمہ باقارم «مستحب» در ۔

۴ — سجود

سجود: رکوعدن طوغرولدقدن صوکره — الله اکبر
 دیزلرک — دیزلرینی، اللرینی، آلتنی وبرونی یره قویق
 دیمکدر [*].

نصل سجده ایدرسک ؟

رکوعدن طوغرولدقدن صوکره — «الله اکبر»
 دیوب — دیزلرمی ومیللی اوله رق آیاق پارماقلرمی وپار-
 ماقلرمی صیقوب اللرمی یره قویار، یوزومی — قولاقلمک
 آره سنه کله جک صورتده — ایکی آووجک آره سنه قویارم.
 باشمی یرک قاتیلغنی آگلایه جق مرتبه ده یرلشدیریر،
 آلتنی وبرونی یره دکدیریرم [*].

[*] پاموق یاصدق وامثالی کبی یوموشاق وبولوندیغنی یردن
 یازم ذراعدن یوکسک برشی اوزرینه سجده جائز دکدر .
 [*] سجده ده آلتنی یره وضع ایتک «فرض» وبروتغی ده
 علاوه وضع ایتک «واجب» در .

برونمک ایکی یاننه باقارم .

دیرسکلرمی یرہ بسط ایدرو قارنمدن اویلو قلمی آیرمایود

اوج کرہ سبحان ربی الاعلیٰ، اوقومقلہ برنجی سجدهی

یاپارم [*] .

اللہ اکبر، دیهرک سجده دن قالقوب سبحان اللہ،

فقط آئنده یارہ اولانک یالکز بروننی، برونندہ یارہ
اولانک دخی یالکز آئنی وضع ایتمسی ضرورہ جائزدر .

سجدهی اجرا محال اوله جق درجده آئنده، برونندہ
یارہ اولان ایما ایلہ نماز قیلار . آئنده یارہ کی عذری اولمادی
حالدہ یالکز بروننی یرہ وضع ایدن سجده ایتمس اولماز .

[۰] رکوع وسجودده اک آشانی اوج دفعه تسبیح لارمدر
دها آزی کراحتی، تک اوله رق اتمام ایتمک اوزرہ دهازیادہ
فضیلتی منتج اولور .

دیہ جک قدر اوطور ورم [*].

تکرار اللہ اکبر، دیوب ایکنچی سجدہ یه کیدرم [**].

[*] رکوع دن صو کره «سبحان الله» دیه جک قدر
 طوغری طور مه یه (قومه) ،
 ایکی سجدہ آره سنده «سبحان الله» دیه جک قدر
 دینور .
 اوطور مه یه ده (جلسه)

[**] سجدہ یه کیدر کن و سجدہ دن باشمی قالدیریر کن الله
 اکبر دیمک «سنت» وایکی سجدہ آره سنده سبحان الله دیه جک
 قدر اوطور مق «واجب» در .

سجدہ ده اللرمک پارماق لیرینی صیقمق ، اوچ کره تسبیح
 یتک، دیرس کلرمی یانلرمدن ، اولوقلرمی قارغمدن آیرماق
 «سنت» ، بورغمه باقمق ده «مستحب» در .

نمازده سجدہ آتی — قرآن عظیم الشانک اون درت
 کلننده واردر — اوقوندیغنی متعاقب ویاخود اوچ آیت ده
 وقودقدن صو کره رکوع و سجدہ ایدیلیرسه آیریجه «سجدہ
 لاوت» ایجاب ایتمز .

نمازده واجب اولان سجدہ علی الفور ایفا اولنور . نمازک
 فارجنده واجب اولان سجدہ نک تأخیری جائزدر .

اوج کرہ ، تسبیح ، دن سو کرہ قیام تکبیری آلہ روق
اولا باشمی ، سو کرہ اللرمی ، دها سو کرہ دیزلرمی
قالدیر مق اوزره ایکنجی رکعتہ قیام ایدہرم .

بسمله ، فاتحه ، ضم سورہ ایدر ، رکوع وسجدہ لری
تمام ایدوب ؛ اوطورورم [۰] .

ا کر قیلنان نماز ایکی رکعت ایسه بو اوطوروشه . قعد
اخیره ، اوج ویا درت رکعت ایسه ، قعدہ اولی ، دینور

رکوع وسجودک فرضیتنه « ارکعوا واسجدوا »
آیت جلیله سی دلیلدر .

[*] سجده تلاوت ایچون بر کرہ سجده ایدیلیر .

(سجده تلاوت) : انار قالدیر لمقسزین « الله اکبر » دینیلر
سجده ایدیلوب اوج کرہ « سبحان ربی الاعلی » بی متعا
« الله اکبر » لفظ شریفی ایله سجده دن قالقیلیر .

اوطوران کیمسه نک آیاغه قالقدن سو کرہ سجده ایتمه
وسجده دن قیام ایلمه سی « مستحب » در .

قعدۀ اولی

قعدۀ اولی : سلام ویرلمیه جک اوطوروشه دینور ؛
قعدۀ اولاده تحیات، اوقویوب همان قالقمق واجبدر .

۵ — قعدۀ اخیرہ

قعدۀ اخیرہ : نمازک نہایتندہ — « تشهد ، اوقویہ جق
قدر — اوطورمق دیمکدر [*].

[*] مقتدی تحیات اوقویہ جق قدر اوطوروب هنوز امام
فارغ اولمقسزین فراغت ایتسه نمازی صحیحدر .
نماز قیلان کیمسه فرضلردن برینی تأخیر وواجبلردن
برینی تأخیر ویا ترک ایتسه آکا «سجدہ سہو» ایتک واجب اولور .
یعنی یاگیلان کیمسه قیلدیغی نمازی تمام ایتدکن صوکرہ
یکیکرہ سجدہ ایدوب تحیات وصلواتی اوقویہ رق سلام ویرمکله
نمازینی اتمام ایدر . برقاج دفعه سہو ایدنه سجدہ سہوک تکرری
قتضا ایتمز .

امامہ اقتدا ایدن کیمسه سہو ایتسه آنک ایچون سجدہ
لازم کلز .

قعدۀ اولی و اخیره ده نصل اوطورور، ونه اوقورسك
 كرك قعدۀ اولی و كرك قعدۀ اخیره ده صول جانبہ
 اوطوروب ایکی آیاقلمی صاغ طرفدن چیقاریرم .
 اللرمی صیقمیه رق اویلو قلمك اوزرینه قویارم .
 پارما قلمك اوجلرینی دیزمله برابر قور، قوجاغمه باقارم
 بو وجهله اوطورورم .

قعدۀ اولاده یالکز تحیات وقعدۀ اخیره ده ایسه

 التحیات لله والصلوات والطیبات السلام علیک

 ایها النبی ورحمة الله وبرکاته السلام علینا وعلی عباد الله الصالحین

 اشهد ان لا اله الا الله واشهد ان محمدا عبده ورسوله [۱]

امامده سهو واقع اولسه جماعتده برلکده اولدینی حالده
 سجده ایدرلر .

[۱] ترکجه سی: مال و بدن ولسان ایله اولونان عبادات و طاعات

اللَّهُمَّ صَلِّ عَلَى مُحَمَّدٍ وَعَلَى آلِ مُحَمَّدٍ كَمَا صَلَّيْتَ عَلَى
 إِبْرَاهِيمَ وَعَلَى آلِ إِبْرَاهِيمَ إِنَّكَ حَمِيدٌ مَجِيدٌ ،
 اللَّهُمَّ بَارِكْ عَلَى مُحَمَّدٍ وَعَلَى آلِ مُحَمَّدٍ كَمَا بَارَكْتَ عَلَى
 إِبْرَاهِيمَ وَعَلَى آلِ إِبْرَاهِيمَ إِنَّكَ حَمِيدٌ مَجِيدٌ ، [*]

و محمد و ثنا و شكر لرک کافسی جناب حقہ مخصوصدر . اللہک رحمتی
 و برکاتی و دنیا و آخرتک جملہ عذاب و خوف و مکر لرندن سلامت
 بولوب امین اولمق سنک اوزریگہ اولسون ای نبی ذیشان .
 دنیا و آخرت سلامتی جملہ پیغمبرلرک و جناب حقک ای
 و مطیع قوللرینک اوزریگہ اولسون .
 اللہدن بشقہ تکرری اولمادیغنه و حضرت محمد علیہ السلامک
 اللہک قولی و پیغمبری اولدیغنه شہادت ایدرم .

[*] ترجمہ سی: اللہم ! خزینہ کرم و احسان کندن مامول
 آیلدیکی شیلری حضرت محمد علیہ السلامہ عنایت و شریعت
 مظہرہ سی مؤید و مزیت و شرفنی مؤبد ایلہ . و بتون اقرباسی

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ .

ویا خود :

رَبَّنَا اغْفِرْ لِي وَلِوَالِدَيَّ وَلِلْمُؤْمِنِينَ يَوْمَ يَقُومُ الْحِسَابُ .

دعا لرینی او قورم .

واهل بیتی و جمیع متعلقاتی و اصحاب کرامی و ازواج مطہرات و ذریاتی و الی یوم القیمۃ کنیدیسی تصدیق ایابن امت اجابتہ رحمت و مغفرت کله معاملہ ایلہ .

نتکیم ابراہیم علیہ السلام و آل کرامی اوزر لرینہ صلاۃ ایلدینک کبی
الہی ! سن حمید ، عالی ، عظیم سک .

اللہم ! حضرت ابراہیم علیہ السلام و آل فخامی اوزر لرینہ
احسان بیوردینک کبی حبیبک محمد علیہ السلام و آل عظامی
اوزر لرینہ دہ خیر کثیر و فیض و فیر عنایت و احسان ایلہ .
تحقیق سن عظیم الشان حمید و مجید سک .

[۰] ترکجہ سی : اللہم ! بزه دنیا دہ توفیق و طاعات و آخرتہ
ثواب و رحمت احسان ایلہ ، بزی عذاب جہنمدن حفظ ایلہ .

یوزومک بیاضی کوریلہ جک قدر صاغ وصول طرفہ

دونوب اوموز باشلرمہ باقہرق ، السلام علیکم ورحمة اللہ

دیرم [*].

قعدہ اخیرہ نک فرضیتی عبداللہ بن مسعود رضی اللہ

عنه حقندہ فخر عالم افندمن حضر تلرینک : ای عبداللہ

باشنی ایکنجی سجدہ دن قالدیروب تشهد او قویہ جق مقدار

اوطوردقده نمازک تمام اولور . دیمک اولان

اذا رفعت رأسک من السجدة الاخيرة وقعدت قدر التشهد

[*] نمازک آخرندہ سلام ویریلن ذاتلر مؤمنک صاغ

وصول طرفندہ بولونان « کراماً کاتبین » ملک لریدر .

بین الاسلام مرعی الاجر بولونان « سلام » اسماء الہیہ دن اولمسیلہ

حین ملاقاتدہ آنکله سوزہ باشلامق کابہ صائب دن سلامتہ بردعادر .

شفاہا تبلیغ اولونان سلامی شفاہا رد ایلک واجب اولور .

صغیر کبیرہ ، قلیل کثیرہ سلام ویرمک ستندر .

فَقَدْ تَمَّتْ صَلَاتُكَ ، حَدِيثُ شَرِيفِيْلَه ثَابِتْدَر [*] .

[*] قعدہ آقاقلرمی صاغ طرفدن چیقاروب اوطورمق ،
اللمی صیقمایوب اولوقلرمک اوزرینه قویق ، صلوات ودما
اوقومق « سنت » ، قوجاغمه باقق « مستحب » ، قعدہ اول
واخیرهده تحیات اوقومق ، قعدہ اولاده اوطورمق ، اول صاغمه
وصوکره صولمه سلام ویرمک « واجب » در .

نمازده اوکسوروکی واسنه مکی ترک ایتک مستحبدر .

[نمازده بعض مسائلده قادینلار ککلردن آریلیر] .

نماز قیلان کیمسه نك سجده ایده جکی محلدن ویا
آگا قریب بریردن کچمک « مکروه » در . بناء علیه سجده
محلنه اکر قابل ایسه پارمق قالینلغنده وبر آرشون بوینده ، یاخود
دهابویوک بردکنک دیکمک « مستحب » در . بوکا « سترده » دینور .
دیکمک قابل اولمازسه قبله یه طوغری سجده محلنه یاتیرما
لیدر . بو حالده او دکنکک ایلریسندن کچنلره برشی لازم کلز .
ا کر مصلی اوکنه دیکه جک برشی بولامازسه اوکنندن
بریسنک کچه جکفی حس ایتدیکی زمان اشارتله ویا « سبحان الله »
دیمکله منع ایدر .

جماعتله قلنان یرده امامک اوکنه دیکیلن ستره جماعته دخی
کفایت ایدر .

سلام ویرمہ کی متعاقب: اللہم انت السلام ومنک السلام
تَبَارَكَتْ يَا ذَا الْجَلَالِ وَالْإِكْرَامِ، [*] دعائی اور قویوب اللہ ملہ
یوزومی مسح ایدہ رم۔ بوضورتلہ نماز قیلمش اولورم [*]۔

[*] ترجمہ سی: اللہم! ذات اجل وعلاک نقصان صفتلردن
مترہ وسالمدرد۔ وعمومہ سلامت سندندر۔ ای جلال وا کرام
صاحبی اولان رب متعال خیرلرک برکتلیدر۔
بودعائی اور قوموق، «سنت» در۔ آئی اور قویوب یتیر مکسزین سنتہ
قالقمق ویتیردکن صوکرہ اور دعائی اور قویاجق قدر ویا دہا
زیادہ اور وروب سننہ قالقمقی تأخیر ایتک — ولو تسبیح
واوراد ایلہ اشتغال ایدلسہدہ — «مکروہ» در۔

[**] قاجر کت قیلدیغنی بیلمین کیمسہ سلام ویرہ رک یگیدن
باشلا یوب قیللق لازمدر۔ کندنن ہر زمان شبہہ واقع اولان
عقلی قاج قیلدیغنی کسرسہ آنکله عمل ایدر۔
اگر عقلی قاج قیلدیغنی کسمزسہ آزا اولان احتمالہ اعتبار ایدر۔
برکون جناب فیخر عالم صلی اللہ علیہ وسلم افندمز حضرتلری
نایت عجولانہ و دقتسزلکله نماز قیلان برذاتہ: (قالق یگیدن

ہر نماز عقیبندہ اوج کرہ : **اَسْتَغْفِرُ اللّٰهَ الْعَظِيمَ الَّذِي**

لَا اِلَهَ اِلَّا هُوَ الْحَيُّ الْقَيُّومُ وَاتُوبُ اِلَيْهِ، دید کدن سو کرہ

لَا سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ وَلَا حَوْلَ وَلَا

قُوَّةَ إِلَّا بِاللَّهِ الْعَلِيِّ الْعَظِيمِ، اعوذو بسمہ چکہ رک- آیت الکرسی-

اَللّٰهُ لَا اِلَهَ اِلَّا هُوَ الْحَيُّ الْقَيُّومُ لَا تَاْخُذُهٗ سِنَةٌ وَّلَا نَوْمٌ لَّهٗ مَا فِي

نماز قیل . زیرا قیل یعنی نماز صحیح دکلدر . نمازہ باشلایہ جنک .
 زمان تکبیر آل . سو کرہ قرآن کریمدن قولایکے کان بر قسم
 اوقو . بعدہ رکوعہ وار . اعضا کہ سکون کلنجہ یہ قدر طورہ
 تکرار طوغرول . تام قائما بروضعیت آل . آتی متعاقب سجدہ
 ایت . سجدہ دخی اعضا کہ سکونت کلنجہ یہ قدر طورہ
 بعدہ سجدہ دن قالدق . سکونت اعضا حصول بولہ حق قدر
 اوطور . تکرار اولیکی کبی سجدہ ایت . ہر نماز گدہ بوصورتلہ
 حرکت ایلہ) بیورمشلردر .

السَّمَوَاتِ وَمَا فِي الْأَرْضِ مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ
يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُحِيطُونَ بِشَيْءٍ مِنْ عِلْمِهِ
إِلَّا بِمَا شَاءَ وَسِعَ كُرْسِيُّهُ السَّمَوَاتِ وَالْأَرْضَ وَلَا يَئُودُهُ
حِفْظُهُمَا وَهُوَ الْعَلِيُّ الْعَظِيمُ، يَ اَوْقُودِ قَدْ نَ صَوَّكْرَهُ اَوْتُوزِ
اَوْچِ كَرِهَ ، سَبِّحْ اَنْ اَللهُ ، ، اَوْتُوزِ اَوْچِ كَرِهَ ، اَلْحَمْدُ لِلّٰهِ ، ،
اَوْتُوزِ اَوْچِ كَرِهَ ، اَللهُ اَكْبَرُ ، وَبِرْ كَرِهَ ، لَا اِلَهَ اِلَّا اَللهُ
وَحْدَهُ لَا شَرِيكَ لَهُ لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ
قَدِيرٌ [*] ، ، وَمَا أَرْسَلْنَاكَ إِلَّا رَحْمَةً لِّلْعَالَمِينَ ، دِيْمَه لِي .

[*] ذات اجل اعلا دن غیری معبود بالحق موجود دکلدو .
ذاتنده ، صفاتنده ، افعالنده بردر . شریک ونظیری یوقدر .
ملک ملکوت وافلاک جبروت ، حامدینک حمدی ، شا کرینک
شکری ذات احدیتک مخصوصدرکه او ذات موجود ومعدود
ایشانک کافسنه قادردر .

اللرينى كوكسى حذاسنه قالديروب آره لرى آچيق
اوله رق كوك يوزينه آچوب دعا ايمته لى .

يعنى نمازينك قبولنى ، پادشاهنك ، پدر ، والده وخواجه سنك
وبالجمله اهل ايمانك صحت وسلامت ومغفرتى رجا ايمته لى .
توجه تام ايله هر نه وقت دعا ومناجات اولسه جناب
وقاضى الحاجات ، كمال لطف وكرميله اجابت بيورور اعتقادنده
اولماليدير .

دعاده صدق نيت ، حضور قلب شرطدر . حق
تعالى حضر تلى كرم وعطا صاحبيدير .

كنديسنه رفع يد ايدوب دعا ايدن قولنك اللرينى
بوش چويرمن .

دعايى متعاقب : سبحان ربك رب العزة عما يصفون
وسلام على المرسلين والحمد لله رب العالمين ، ديوب اللرينى
يوزينه سورمه ليدير .

۱۰ — وظیفه :

نمازك ركزلىرىنى صاى ! قىيام نه ديمكدر ؟ قىامده نصل
 طورورسك ؟ قىامده طورمغه قدرتى اولمايان نه ياپار ؟ قىامك فرضيتته
 دليل اولان آتى اوقو ! قرائت نه ديمكدر ؟ قىامده نه اوقورسك ؟
 سبحانك ، سورة فاتحه يي اوقو ! سورة فاتحه وبشقعه برسوره
 ازبرلەمك نەدر ؟ سورة اخلاص وكوثرى ، سورة نصر
 ومعوذتىنى اوقو ! قىامده سنت اولان نەدر ؟ امامه اقتدا ايدن
 فاتحه وضم سوره اوقورمى ؟ سسلى وسسسز اوقونان نمازلىرى
 حقنده معلومانك نەدر ؟

فاتحه ، ضم سوره ، سبحانك ، اعوذ وبسم الله
 وآمين اوقومق نەدر ؟ فرض نمازلىرىنك اوچىنچى ، دردنچى
 ركعتنده نه اوقورسك ؟ ركوع نه ديمك ؟ نصل ركوع ايدرسك ؟
 ركوعده سنت ، واجب ومستحب اولان نەدر ؟
 ركوعه اينركن ور كوعدن قالقاركن آياقلىرك نه وضوء عيتده
 بولونه جق ؟

سجود نه ديمكدر ؟ نصل سجده ايدرسك ؟ سجدهده
 آلتى ، بروتنى يره وضع ايتك نەدر ؟

نہ کبی شیلوہ سجدہ ایدلمز ؟ رکوع وسجودده قاج کرہ تسبیح اوکورسک ؟ قومہ ، جلسہ نہ دیمکدر ؟ ہر رکعتده قاج کرہ سجدہ ایدرسک ؟ سجدہ سنت ، مستحب اولان نہدر ؟ رکوع وسجودی ارککدر نصل یایاور ؟ سجدہ تلاوت حقندہ معلوماتکی سویلہ ! رکوع وسجودک فرضیتنه دلیل اولان آتی اوکو ! قعدہ اولی واخیرہ نہ دیمکدر ؟

قعدہ لردہ نصل او طورور ونہ اوکورسک ؟ تحیات حقندہ نہ بیلورسک ؟ تحیات وصلواتی اوکو ، مغالینی سویلہ ! سجدہ سہو حقندہ معلوماتک نہدر ؟ نصل سلام ویریرسک ؟ تحیات وصلوات او قومق نہدر ؟

قعدہ واجب ، سنت ، مستحب اولان نہدر ؟

قعدہ اخیرہ نک فرضیتنه دلیل اولان حدیث شریفی اوکو ! سترہ نہ دیمک ونہ وقت ایجاب ایدر ؟ نماز قیلانک اوگندن کچمک نہدر ؟ سلامی متعاقب نہ اوکورسک ؟ «سلام» حقندہ معلوماتک نہدر ؟ قاج رکعت قیلدیغنی بیلمہین ، کندندہ ہر زمان شبہ واقع اولان نہ یاپار ؟ فخر عالم افندمن غایت عجلہ ودقتسزلک ایلہ نماز قیلان کیمسہیہ نہ امر ایتمش ؟ ہر نماز عقیبندہ نہ اوکورسک ؟ نصل دعا ایدرسک ؟

— بَش وقتہ قیلدیغمز نمازدن بشقه نمازلر —

بش وقت نمازدن ماعدا — جمعه، بایرام، تراویح
وجنازه نامیله — نمازلر اولوب بونلردن (جمعه و بایرام)
نمازلرینی قیلمقله قادینلر مکلف دکلدولر .

۲۵ — جمعه نمازی

جمعه نمازی — ارککاره فرض عیندر .

بش وقت نمازك شرط ، لوندن ماعدا جمعه نمازنده
یکی « شرط ، دهها وارددر :

بری (صحت) نك شرطی، دیکری ده (وجوب) نك
شرطیدر .

صحتك شرطی آلتیدر:

۱ — جمعه نمازی قیلنه جق محل . مصر . — یعنی جمعه نمازی فرض اولان اهالی بی بیوک جامعی آلمانان یر — اولوق .

۲ — پادشاه اسلام ویا طرف عالیرنندن وکیل خطیبه بولونمق .

۳ — اوکله نمازینک ، وقت ، نده قیلنمق .

۴ — خطبه ، اوقونمق .

۵ — امامدن غیر اقلی اوچ اراکک جماعت ، بولونمق .

۶ — جمعه نمازی قیلنان یره دخولدن کیمسه منع اولونماق .

(بو شرطلر بولونمیان یرده جمعه نمازی قیلنماز)

وجوبنک شرطی یدیدر :

۱ — مقیم اولوق .

۲ — خسته اولماق .

۳ — حر اولق .

۴ — ارکک اولق .

۵ — اعما اولماق .

۶ — کوتوروم اولماق .

۷ — شدید یا غمور، چامور، و یا ضرری ملاحظه اولان

بر شیدن ، قورقو ، سی اولماق .

(بو شرطلر کندیسندہ بولونمایان کیمسه یه جمعه نمازی فرض اولماز) .

جمعه نمازی نصل قیلنیر ؟

مصلی جمعه ناک سنتی نیتیه درت رکعت سنت مؤکده

قیلار .

(خطیب) ک حضورنده اوقونان اذانی متعاقب

کال سکونتله خطبه یی دیکلر .

خطبہ دن صوگرہ (اقامت) اولونہرق جمعہ نمازینک
 فرضی نیتیلہ امامہ اقتدا ایدوب ایکی رکعت قیلار .
 بعدہ جمعہنک سنتی نیتیلہ درت رکعت سنت مؤکده
 دھا قیلارم .

آنی متعاقب . وقتی کیروب حالا اداسی میسر اولمالیان
 آخر ظهر نیتیلہ ، درت رکعت و وقت سنتی نیتیلہ ،
 ایکی رکعت سنت مؤکده قیلمقلہ اون آلتی رکعت نماز
 ادا ایتمش اولورم .
 ایشته بو صورتله جمعہ نمازینی قیلارلر .

۲۶ — بایرام نمازی -

ارککلره بایرام نمازلی واجبدر [*] .

[*] جامعہ کیدرکن و کیدلدکده تکبیر : - الله اکبر الله اکبر .

اذان واقامتسز اولہرق (عید فطر) و (عید اضحیٰ)
بیتیلہ ایکی رکعت قیلنیر .

صوکرہ خطبہ او قونمق «سنت» در .

خطبہ دن ماعدا جمعه نمازینک صحت و فرضیتندہ
تعداد اولونان شرطلر بایرام نمازلرینک صحت و وجوبندہ
معتبردر .

هر رکعتده اوچر کرہ فضلہ تکبیرلری واردر .
فضلہ تکبیرلرله ایکنجی رکعتک رکوع تکبیری
«واجب» در .

بایرام نمازی فصل قیلنیر ؟

مصلی مؤذنک «ایکی رکعت بایرام نمازینہ اویک حاضر

لااله الا الله . و الله اکبر . الله اکبر . والله الحمد — ایله مشغول
اولق «مستحب» در .


نمازدن صوکرہ اخوان دینیله (مصافحه) ایتک «مندوب» در .

اولان امامہ ، دیمہ سیلہ حاضر لائیر، نیت ایدہر .

امامك افتتاح تکبیرینی متعاقب همان افتتاح تکبیرینی
آلوب سبحانك بی اوقور .

امامہ تکبیر زواندہ تبعت ایدوب فاتحہ، ضم سورہ نی.
کمال سکوت ایله دیکلہر . رکوع وسجودی ایفادن
صوکرہ ایکنجی رکعتہ قیام ایدہر .

امامك قرائتندن صوکرہ ، تکبیر زواندہی اوقور ؛
رکوع ، سجود وقعود ایله نمازی تمام ایدہر .
ایشته بو وجهله بایرام نمازینی قیلار وبعده کمال
سکونتله خطبہ بی دیکلہر .



۲۷ — تراویح نمازی

تراویح نمازی: ارکک وقادینلره سنت مؤکده اولوب

رمضان شریف کیچہ لرنده یاتسو نمازینک صوڪ سنندن
صوڪره وتر نماز لرندن اول و صوڪره تراویح نیتیلہ یکر می
و کعت اولہ رق قیلنیر [*] .

ایکی رکعتہ بر سلام ویرمک افضلدر ؛ درتہ بر
سلام ایلہ ده جائزدر .

تراویح نمازینی قیل !

تراویح نیتیلہ نمازہ طوروب ہر ایکی رکعتہ بر سلام
ویریرم .

درت رکعتہ بر سلام ویردیکم حالہ ایکی رکعت
باشنہ او طوروب تحیات ، صلوات و دعاء مأثورہ بی
اوقور ؛

[*] سلامدن صوڪره دنیا کلامی سویلہ مہمک شرطیلہ ،
بر نیتلہ — اگر س— ویلنیر سہ یگیدن نیت لازمدر — یکر می
و کعت تراویح ادا ایدیلیر .

اوچنچى ركهته قالمقار؛ سبجائلك دز باشلارم.

سلام ويردكجه درت ركعت قيلديغم مدت قدر
اوطورور، قرآن كريمدن برقاج آيت وياخود تسبيح
اوقوروم.

بو صورتله تراويح نمازنى قىلارم.

۲۸ — جنازه نمازى

جنازه [*] نمازى — (فرض كفايه) در .

[*] خسته لافى آغزلاشان بر مسلمانان تالقين شهادت ايديلير .
سورة (يس) و (رعد) تلاوت اولنور . اولدكدن صوكره .
غسل ايديلير . كفنه آلنير . نمازى قيلنير . صلحا مقبره سى .
جوارينه دفن ايديلير .

قبرده 'منسكر، ننگير، اسمنده ايكي ملك كلوب اولويه ربلك،
دينك، پيغمبرك كيدير؟ ديه سؤال ايدجك .
اهل ايمان بو سؤالره : ربم الله عظيم الشان، دينم اسلام،

رکوع وسجده لری اولمایوب درت تکبیری واردر.
 جنازه نك ارکک، قادین، ارکک چوجوق، قیز چوجوق
 اولدیغنی بیلوب الله رضاسی ایچون نمازه شومیت و یامیته
 ایچون دعایه اویدم حاضر اولان امامه دیهرک نیت ایدیلیر.

جنازه نمازینی قیل !

نیت ایدهرم . امامک برنجی تکبیرینی متعاقب
 تکبیر آلوب (سبحانک) یی (وجل ثناؤک) لفظنی
 علاوه ایدهرک او قوروم .

امامک ایکنجی تکبیرینی متعاقب — ال قالیر مقسزین —

تکبیر آلوب : (اللهم صل وبارک) ی او قورم .

پیغمبر محمد علیه الصلاة والسلامدر . جوابیله مقابله ده بولونه جقلردر .
 جناب حق اولو ایچون قبرده بردریلك یاراده جق و او
 سببله صفا ، الم ، عذاب حس ایدیلر جکدر .
 قبر عذاب کافرلرک جمله سنه و مؤمنلرک بعض عاصی
 وفاسقلرینه واردر .

امامک اوچنجی تکبیرینی متعاقب — ال
 قالدیر مقسزین — تکبیر آلوب — جنازه ارکاک
 ایسه — اللهم اغفر لحینا ومیتنا وشاهدنا وغائبنا وصغیرنا
 وکبیرنا وذاکرننا واناثننا. اللهم من احييته منا فاحیه علی
 الاسلام ومن توفيته منا توفقه علی الايمان وخص هذا المیت
 بالروح والراحة والمغفرة والرضوان. اللهم ان کان محسناً
 فزد فی احسانه وان کان مسیئاً فتجاوز عنه ولقه الامن
 والبشری والکرامة والزلفی برحمتک یا ارحم الراحمین
 دعاسنی او قوروم .

امامک دردنجی تکبیرینی متعاقب — ال قالدیر مقسزین —
 تکبیر آلوب امامله برابر سلام ویریرم .

آنجق صاغمه سلام ویررکن صاغ المی ، و صولمه
سلام ویررکن صول المی یانمه صالیویریرم .
ایشته بو صورتله جنازه نمازینی قیلارم .

۲۹ — نمازك مكروهلری

نمازده ایکن بوینونئی اکوب باقمق ، البسه سیله اوینامق ،
بریرینی قاشیمق ، کوزینی یوممق ، کرئمک ، اسنه مک ،
طیانق ، برشی قوقلامق ، قادینله برخداده آیری آیری
نماز قیلماق ، دفع حاجتی وارکن نمازده طورمق ، سینک قوغمق ،
آدم کچه جک یزه طورمق ، سجده یه اینرکن اول لارینی یزه
قویماق ، سجده دن قالقارکن لارندن اول دیزلرینی قالدیرمق ،
بر آباق اوزره طورمق و سائر مکروه اولان شیلر کبی .

۳۰ — نمازك مفسدلى

نمازده ايكن لقردى سويلك ، كندى ايشيدهك .
 قدر كولك ، بر (ركن) ده اوچ كره بريريني قاشيمق .
 سجدهده ايكي آياقلىرىنى يردن قالديرمق ، كو كسنى .
 قبله دن چويرمك ، يقاسنى قاووشدرمق ، آقصيدىنى .
 وقت (الحمد لله) ديمك ، عذرلىز بوغازىنى آيقلامق .
 وساير مفسد اولان شيلر كى .

۱۱ — وظيفه :

جمعه نمازىنى قيلمق نهدر؟ جمعه نمازىنىك صحت ووجوبىك .
 شرطى صاى ! جمعه نمازى كيملره فرض دكلدر؟
 هانكى يرده جمعه نمازى قيلنماز؟ جمعه وبيرام نمازلىرنده .
 اقلى نه قدر جماعت بولونمالى؟ جمعه وبيرام نمازلىرىك فرقى نهدر؟
 جمعه وبيرام نمازلىرنده خطبه اوقونمق نهدر، ونه وقت اوقونور؟

بایرام نمازینی قیل ! خستہ لره ، اعمایہ جمعہ قیلمق فرضی ؟

خطبہ او قونمق جمعہ نك هانکی شرطندندر ؟

تراویح نمازی نه وقت وقاج رکعت قیلنیر ؟ درتده بر سلام

ایله قیلنمان تراویح بشقه وقتده قیلدیغمز نمازلردن هانکیسنه بگزیه یور ؟

تراویح نمازینی نصل قیللارسک ؟ قادینلر جمعہ ، بایرام و تراویح قیللارمی ؟

جنازہ نمازینی تعریف ایت ! قبرده سؤال و عذاب حقننده

معلوماتک نه در ؟ اهل ایمان منکرینک سؤالارینه نصل جواب

ویرمچک ؟

جنازہ نمازینی قیل ! جنازہ دعاسنی او قو !

نمازک مکروه و مفسدلرینی سویله ! نمازده کوزینی یومق ،

قصداً او کسورمک نمازی بوزارمی ؟

۳۱ — صوم = اوروج

اوروج — بالغ اولان هر مسلم عاقلک وبالغه اولوبده

حیض و نفاسدن پاک بولونان هر مسلمة عاقله نك عبادت

نیتيله طلوع فجر دن اول باشلا یوب غروب شمسه قدر

یَمِکْ وَاِیْمَکْ وِسَاثْرُ اورو جی بوزان شیلردن کند یسنی
حفظ ایتمه سی دیمکدر [*].

اوروجک فرضلری

اوروجک فرضلری اوچدر :

۱ — نیت ایتمک .

۲ — نیتک اول و آخر وقتنی بیلمک .

۳ — صباحدن آقشامه قدر اورو جی بوزان شیلردن

صاقینمقدر .

[*] اوروج اعظم عباداتنددر .

الله عظیم الشان : « اوروج دینیلن عبادات ذات اقدس مه
مخصوصدر . او صوم بدلنده صائمله آنجق بن عظیم الشان
مکافات ایدهرم، بیوریور .

يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ
عَلَى الَّذِينَ مِن قَبْلِكُمْ لعلَّكُمْ تَتَّقُونَ .

آیت جلیلہ سی اور وجہ فرضیتہ دلیلدر .

اور وجہ نیت

رمضان شریف اور وجہ کیجہ دن تا کوندوز قوشلغہ

قدر نیت ایدیلیر [*] .

اور وجہ شو صورتله نیت مستحبدر :

اللهم انی ارید ان اصوم غداً فیسره لی وتقبله منی .

[*] سنہده بش کون اوروج طوتیق حرامدر .

کونلری .	{	شوالک برنجی	
		ذی الحجہ نک اونجی	
		اون برنجی	•
		اون ایکنجی	•
		اون اوچنجی	•

یعنی : اللهم یارین اوروج طوتمنی نیت ایتدم . بکا آنی
میسر ایله . و بندن آنی قبول ایله .

سحور یمک ، فجر کاذبدن صوکره اولان قرا گلقدہ
یمک ، افطار و قتلری یقین اولدقدہ دعا ایله مشغول اولمق ،

افطار ایدرکن : « اللهم لك صمت وعلى رزقك افطرت »

دیمک ، افطارده عجله ایتمک « مستحب » در .

حضرت محمد صلی اللہ علیہ وسلم افندیمز حضرتلری

تازه خورما و قوری خورما و بعضاده صو ایله افطار

بیورورلردی . مع هذا خورما و صو بولونمادیفی حالده

طاتلی و زیتون ایله افطار « مستحب » در .

زکات بر عبادت مالیه سنویه در که زنکین مسلمانلرک
سنه دن سنه یه تابع زکات اولان ماللرینک قرقرده برینی
فقرا ی مسلمین ، و یرمکدن عبارتدر .

زکات ویره جک کیمسه حر ، عاقل ، بالغ ، اولمق ،
حاجت اصلیه سندن ماعدا نصاب مقداری مالی بولونمق
واوزرندن برسنه کامله کچمکدر .

حاجت اصلیه : البسه سی ، اوی ، اشیاسی ، آتی ،
کتابی ، سلاحی ، آیش ویریش ایده جک قدر پاره سی
بولونمق و بورجی اولماق .

نصاب : حوایج اصلیه دن ماعدا کوموشدن ۲۰۰ درهم .
مجیدیه یکرمی غروش حسابیله (۵۳۲,۵) غروش ،
و آلتوندن — سکه لی ویا سکه سز — ۲۰ مثقال :

ایرای عثمانی یوز غروش حسابیله (۱۴۳۹,۵)
غروش در .

یکرمی مشقال آلتونک یاریم مثقالی ، ایک یوز درہم
 کوموشک بش درہمنی ، قیمت اعتباریلہ ویزیلہ جک
 اولان مالده قرق غروشک برغروشنی آییروب اسلام
 ومحتاج بیلدیکی کیمسہلرہ ویرمہ لیدر .

زکات ویرمکده شرط : زکات ویررکن ویاخود
 مانندن آییررکن نیت اولونماسی در .

آز برشیئہ مالک اولان فقیرہ ، هیچ برشیئ اولملیق
 مسکینہ ، بورجلو کیمسہلرہ ، محاربہ یہ کیدہ جکارہ زکات
 ویرمک جائزدر .



مسکینہ ویرمک

بر

۳۳ — حج

حج — صحته، قوته و امن طريقه، قاذين ايسه محرمه [*]
متوقف بر عبادت ماليه و بدنيه در .

عاقل، بالغ، وجودی صاغلام، کوله و جاريه اولميان،
او طوره جنی او و سائر کنديسنه لازم اولان شيلری بولونان
و حج ايدوب دو تنجه يه قدر اولاد و عيالنک نفقه سندن
ماعد اچينه چکی بولونان و يولر ده مخاطره دن امين اولان
ارکک و قاذين عموم مسلمانلر ده عمر نده بر کره حج ايتمک
يعنی مکّه مکرمه يه کيدوب عرفتده و قوف و و کعبه اللهی
زيارت ايتمک فرض عيندر .

مکّه مکرمه: عربستان يارم آطه سنک غرب جهتنده

[*] محرم و يا قوجه سی اولميان قاذينه — حجی ادا ايجون
کندينه عاقل، بالغ بر زوج بولمق واجب، اولور و بتون مصارفی
کندينه عاقل اولمق اوزره محرم و يا زوجيله چجه کيدر .

و بحرا حمر ساحلنه قریب جهات اربعه سی طاغلق بروادیده
 اولوب کعبه معظمه او وادی محترمک وسطنده کائندر
 عرفات : مکه مکرمه نیک شرق جنوبیسنده آلتی
 ساعت مسافه ده معلوم و معین بریرک اسمیدر .
 حجدن صو کره مدینه منوره یه کیدوب حضرت محمد
 صلی الله علیه وسلم افندمزک خاک پا کنه یوز سورمک
 وجیه ذمتدر .

حجک فرضلی

حجک فرضلی اوچدر :

۱ — احرام = قلب ایله نیت ولسان ایله تلبیه ایتک .

تلبیه : لبیک اللهم لبیک . لبیک لا شریک لک لبیک

ان الحمد والنعمه لک والملك لا شریک لک [*] .

[*] ترکجه سی : دائما ومتوالیا طاعت الهیهک اوزرنده ثابت

احرام: ارکىکار احرام حالنده دیکيشلى البسه لردن
 صويونوب ، ردا ، و ، ازار ، ه بورونه رك زنكىن ،
 فقير هپ بر حالده باش آچىق ، يالين آياق حضور الهيده
 بولونمق ديمكدر .

، حره ، اولان قادينلر كوره جك يرلرندن ماعداسنى
 اورتمك لازم اولديغندن معتاد اوزره كيلى بولونورلر .
 وتلييه ده رفع صوت ايتملر .

۲ — عرفانده وقفه ايتك .

۳ — قربان كونلرندن برنده طواف زيارتى اجرا ايتك .

قدم ايم الله ، هر زمان امر وفرمانكه اجابت ايدهرم . شريكك
 يوقدر . هر وقت عزيمت وتوجهم سكا طوغريدر . حمد و ثنا
 بالجمله انعام واحسان شهبه سز سكا مخصوصدر . بتون كائناتك
 امر اراده وانضباطى ، حاكميت مطلقه سى ينه ذات كبريا كه
 مخنصدر ؛ هيچ بروجهله شريكك يوقدر .

• وَلِلّٰهِ عَلَى النَّاسِ حِجُّ الْبَيْتِ مَنِ اسْتَطَاعَ اِلَيْهِ سَبِيْلًا •

نظم جلیلی حجک فرضیتنه دلیلدر .

دیننی تأدیہ ایتمک ، کناہلرینہ توبہ ایتمک ، تقصیر
ایتدیکی عباداتنی قضا ایتمک ، مال حلال ایله کیتمک ،
یولده کیمسه ایله جدال و شقاق ایتمه مک حجک آدابندندر .

۱۲ — وظیفه :

اوروج نه دیمکدر ؟ اوروجک فرضی قاچدر ؟

اوروجک فرضیتنه دلیل اولان آیت کریمه نی اوقو ! اوروجه

نصل نیت ایدرسک ؟ قادین نه وقت اوروج طوتهماز ؟

اوروجده مستحب اولان نه در ؟ افطار ایدرکن نه اوقور ،

ونه ایله افطار ایدرسک ؟ چوق زنکیکن اولمقله زکات فرض

اولورمی ؟

زکاتک فرضیتنک شرطلرینی سویله ! آلتون وکوشده

نصاب نه در ؟ زکاتک فرضی قاچدر ؟

زکات ویرمکده قاچ شرط واردر ؟ کیمتره زکات وصدقه

ویریلیر ؟ زکاتک فرضیتنه دلیل اولان آیتی اوقو !

حج ایتک کیملرہ فرضدر؟ مجنونہ یالکز حج ایتکمی
 فرض دکدر؟ کعبہ معظمہ نرمہدر؟ صرفات نرمہسیدر؟
 حجن صوکرہ فخر عالم افندمری زیارت ندر؟ حجک
 فرضی قاجدر؟ صای! تلبیہ ایت!
 احرام حقندہ نہ بیایورسک؟ حجک فرضیتنہ دلیل اولان
 آتی اوقو! حجک آدابی نہ کبی شیردر؟
 حجن صوکرہ پیغمبر من صلی اللہ علیہ وسلم افندمری حضرتلری
 زیارت ندر؟ قادیسک حجی حقندہ معلوماتک نہ؟
 نمازک، اوروجک، حج وزکاتک وسائر عبادات وطاعاتک
 منافع وفوائدی حقندہ حاصل ایتدیکک معلوماتی سویلہ! دین
 مبین اسلامک علویتی حقندہ معلوماتک ندر؟



۴۴ — رضاع

رضاع سود اممک دیمکدر .
 هنوز ایکی ویا ایکی بچق یاشنی بتورمهین چوجوغک
 قادین سودینی — ولو برقطره اولسون — کرک اممک،

کرك آغزندن ویا بورونندن دو کله معده سنه ایصال
ایتمکدن عبارتدر . اما احتقان صورتیه سود ایصال
ایتمک ، قولاغه و یاره یه طاملا تمق ، رضاع ، دکدر .

مدت رضاع — امام اعظم حضرت تهرینک عندنده
ایکی بچق سنه — ۳۰ آی، امام ابویوسف و امام محمد
حضراتنه کوره ایکی سنه — ۲۴ آی — در .

بر ارکک ایله بر قز چوجوغی مدت رضاعلری
ایچنده بر قادیندن امسه - ولو زمانلری مختلف اولسون -
بر بریله قرداش اولورلر .

ایکی قادینک سودلری قارشیدیر یوب چوجوغه
ویرلده - بریسی غالب اولسه دخی - اکیسه یله ده
رضاع ثابت اولور .

اگر قادین سودی صو وقویون سودی وبا بشقه

دوا ایلہ قارشیدیریلوب چوجوغه ویراسه اعتبار غالب
اولانه در .

یعنی قارشیدیریلان شی سودک طعام ولدتنی بوزمش
ایسه رضاع ثابت اولماز ، اگر بوزماش و یا برینی
بوزوب دیکرینی تغیر ایتمه مش ایسه رضاع ثابت اولور .
اگر ایکسی دخی مسـاوی اولورسه احتیاطاً رضاع
ثابت در .

اگر سود طعامه قارشیدیریلوب قاینادیلور ایسه
— بالاتفاق — رضاع ثابت اولماز ، اگر قاینادلماز ایسه
امام اعظم حضر تدرینه کوره حرمت ثابت اولماز . امام
ابو یوسف و امام محمد حضراتنه کوره اعتبار غالبه در ؛
یعنی سود غالب ایسه حرمت ثابت در . سود ویرن قادینه
• مرضع ، و • مرضعه ، سود آنا و چوجوغه • رضیع ،
دینیلیر .



حکم رضاع

حکم رضاع موجب ارث دکلسمده حل نظر
و حرمت نکاحه سبب در .

یعنی کورمه سی حلال و نکاحی حرام اولمقدر .

چونکه مرضه یعنی سـود آنا سود امن چو چو غك
والده سی اولمش اولور .

او قادینة اولادی آنک قرداشلری، پدر و والده سی
آنک بیوک بابا و بیوک آناسی و قرداشلری آنک دایی
و تیزه سی و سود صاحبی اولان قوجه سی سـود امن
چو چو غك باباسی و اولادی آنک قرداشلری، بابا و آناسی
آنک جد و جده سی و قرداشلری آنک عموجه و خاله سی
اولمش اولور .

۳۵ — نکاح

نکاح — امور دينيه دندر .

حضرت الله قرآن كريمنده ، ذكور عبادينه نساادن

حقارنده طبب اولانلر ايله نكاحى امر بيورويور .

صاحب شريعت صلى الله عليه وسلم افندمن حضرتلرى

دخى اصحاب وامتنه : ، اولانلر ، تناسل ايدىكلر كه

قيامت كوني سزكله امتلره مباهاات ايدهرم ، بيورمشدر .

نكاح سنت سـنيه امثال وتهذيب اخلاقه مدار

اولوق اعتباريله عبادادن اولمغه برابر آنك ثمراتندن

جمعيت بشريه دخى مستفيد اولور .

قادينلرايچون تحت ولايتنده بولونه جقلرى زوجلرينك

نسب، اسلام، دیانت، حریت، مال و حرفتہ پر درجہ یہ قدر (کفو) اولہ سی آرائیلیر .

نکاحك شرطی: زوج و زوجہ مانع شرعیدن خالی اولق، و عاقدلر یکدیگرینك ایجاب و قبول، نی ایشیدیر اولق و حین عقدده آنلرك ایجاب و قبوله دائر اولان سوزلرینی ایشیدیحی — حر و مکلف — ایکی مسلم . شاهد، و یا خود صفت مذکورہ اوزره بر مسلم ایله ایکی مسلمہ بولونمقدور .

بر کیمسه ایکی ارکك، یا خود بر ارکك ایکی قادین . شاهد حاضر اولدیغی حالده بر قادینه: «سنی تزوج ایتدم، دیوبده او ده: «قبول ایلدم، دیسه نکاح منعقد اولوب زوجك سوزی، ایجاب، و زوجهنك کلامی، قبول، اولور .

بالعکس بر قادیں بر کیمسہ یہ : • بنی نفسگہ تزوج
 ایت ، اودہ : • ایتدم ، دیسہ نکاح بو ص - ورتاہ دخی
 منعقد اولوب زوجه نك س - سوزی ، ایجاب ، وزوجك
 کلامی ، قبول ، اولور .

آنجق ، ایجاب و قبول ، ك مقصد نکاحی تضمن
 ایتہسی شرطدر .

سرا نکاح جائز دکلدر .

نکاحك احکام فرعیہ سندن باشلیجهلری ، مهر ،
 و نفقه ، یعنی ییہ جك و کیہ جك وساکن اوله حق شیر -
 درکه آنلری تدارك و ادا زوجك وظیفہ سی و طلب
 واستیفا زوجه نك حق و خانه ایشلرینی تسویہ و ایفا
 زوجه نك وظیفہ سی در .

مهر ، زوجه نك نکاح صحیح ایله مستحق اولدیغی

مالدن عبارت اولوب بوده اون درهم کموش ویا آنک
قیمتندن اقل اولمالیدر .

مهر ایکی قسم اولوب برینه « مهر معجل » =
« آغراق » و دیگرینه « مهر مؤجل » = « نکاح » دینیر .
زوجه « مهر معجل » نی اخذه قادر در .

آنی اخذ واستیفا ایلمدجه نفسنی زوجنه تمکین ائیمه
بیایر .

زوجه سنه حسن معامله و معاشرت ایتک زوج اوزرینه
وزوجک موافق شرع اولان امرینه اطاعت ایلمک زوجہ
اوزرینه واجبدر .

زوجنه اطاعت و امنیت اوزره بولونان قادینلر قرآن
کریمده : [فالصالحات قانتات] نظم جلیلی ایله توصیف
پیورلدیغی کبی فخر عالم صلی الله علیه وسلم افندمن

حضرتلى : بر كيمسه نك بر كيمسه يه سجده ايمه سنى
امر ايديجى اولايديم قوجوسنه سجده ايمه سنى قادينه امر
ايدردم ، كلام حكمت بيانيله زوجہ اطاعتك درجہ
وجوبنى اتيان بيورمشلردر .

زوج حمايه وانفاق ايدر . زوجہ دخى آنك مالنه
مقيد ومنزلنه ملازم اولوب اذنى اولمدقجه بريره چيقيماز
وزوجنك مالندن آندن اذنسز كيمسه يه برشى ويرمنز .
قادينلر سوقاغه چيقدقلرنده — ضرورت اولمدقجه —
يوزلرينى ، اللرينى آچيق بولوندرمق واينجه يوز اورتو-
لرى وطار چارشافلريله عرض وجه واندام ايتك قطعاً
جائز دكلدر . قادينلر ك مستورينى كنديلرينى تعرضدن
صيات وحقلرنده موجب شرف و سيادتدر ؛ خانملقده
بودر . تسيترى آمر اولان آيت كريمه نك حكمنى انكار
ايدن هر حالده كافردر .

۲۶ — طلاق

نكاح ايله شرعاً ثابت اولان قيدي لفظ مخصوص
— تطليق ايتدم ، بوشادم ديمك — ايله رفع ايتمكه
طلاق ديتور .

احكام جليله شرعيه سمادت بشريه يي كافل اولديغندن
لدى الحاحه طلاقه مساعده اولونمقله برابر زوجين بيننده
اعاده مناسبات ايله تجديد رابطه نكاح ملتزم اولمقله
بعد الطلاق دخى تأييديله تجديد مناسبات ومناكات
اسبابى تشريع ايديله رك برنجى مرتبه ده زوجك زوجه .
سنه رجوعى وايكنجى درجه ده نكاحك تجديدى تجويز
ايله طلاق رجعى وبان ، ه تقسيم اولونمشدر .

طلاق رجعى ؛ زوجك زوجه سنه ، عدت ، ي
منقضى اولمقسزين رجوعى شرعاً جائز اولان طلاق در .

طلاق یا بن ؛ زوجہ نک عدتی منقضی اولمقسزین
 یلہ زوجہ رجعتہ حق اولمایان طلاق در .
 عدت : طلاق ویا زوجہ نک وفاتی سبیلہ مفارقت
 وقوعندہ بشقہ بر ارککہ تزویج اولونہ ییلمک ایچون
 بر مدت معلومہ نک انقضاسنہ انتظار ایتکہ دینیر .

صوٹ

رب اجعاني مقيم الصلوة ومن ذريتي ربنا وتقبل دعاء
ربنا اغفر لي ولوالدي وللمؤمنين يوم يقوم الحساب
برحمتك يا ارحم الرحمن




اللهم صل على سيدنا محمد وعلى آل محمد صلاة تحيط
بها من جميع الالهوال والآفات وتقضي لنا بها جميع الحاجات
وتطهرنا بها من جميع السيئات وترفعنا بها على الدرجات
وتبلغنا بها اقصى الغايات من جميع الخيرات في الحياة
وبعد المات .



ملخص : مصباح الفلاح ، روح الصلاة ، موقوفات ، دريكتا .
مبين اسلام وساثر آثار مباركه ومقبوله .



كتبه بك اثنى طبعه وهو وقوعبولماسنه بك زياده اعتنا ايديكم
برابر يته خطيائكم وقوعه كلش اولديني مع الاعتذار بيان اولونور .





محروک آثار ساروسی

پاره غروش

حافظ نوری افندی	۱	تعلیم قرائت قرآنندن تجوید	۱	۱۰
» » »	۱	تسهیل قرائت عربیه	۱	۲۰
حافظ نوری افندی	۱	عملی علوم دینیہ (برجی کتاب)	۱	۲۰
» » »	۱	» » (ایکنجی)	۱	۲۰
» » »	۲	» » (اوچنجی)	۱	۲۰
» » »	۳	» » (دردنجی)	۱	۲۰
» » »	۴	» » (بشنجی قسم)	۱	۲۰
» » »	۵	» » (آلتنجی قسم)	۱	۲۰
» » »	۱	فیزلره مخصوص عملی علوم دینیہ برجی	۱	۲۰
» » »	۱	» » (ایکنجی)	۱	۲۰
» » »	۲	» » (اوچنجی)	۱	۲۰
» » »	۳	» » (دردنجی)	۱	۲۰
» » »	۴	» » (بشنجی)	۱	۲۰
» » »	۵	» » (آلتنجی)	۱	۲۰

